

三末

十三

# 永樂大典

卷一萬三千八百七十六

之一萬三千八百七十八

Purchased from Messrs. Luzac & Co.  
April 1907

Gr 61. d

永樂大典卷之一萬三千八百七十六 三未

賁 賁卦五

鬼谷卦影

丙寅木 丙子水 丙戌土 己亥水 己丑土 己卯木

山火賁

艮上 離下



官鬼 妻財 兄弟 妻財 兄弟 官鬼

斷曰賁者飾也。文章交錯。兩相交易。變惡為善。多是交關財物。契書求官。

家宅田蠶皆吉。行人至。病安。婚媾成。官事吉。孕生女。詩曰：錦文光彩。

象多權也。利脩文也。利官。作事得人。相賁飾。只防公事起多端。甲辰旬世。

空亡鬼空亡。甲子甲寅旬財空。全動脩飾。自新明庶政。爻爻束帛免沉。


淪波深穩渡。宜防險。前後傾危不陷身。全靜跨鹿天星至。虎駝雙履行。

衣冠鞍上立。寶架稱高平。甲日用望未成。心未穩。爻爻束帛恐沉淪。波。

深急渡。宜防險。前後傾危不陷身。乙日花開連夜雨。笑盡有憂生。只怕。

貪迷着仍防患與驚。丙日花殘人散後。滿樹又開。花不望功名事。功名  
 望外來。丁日可疑可疑。有奇不奇。花殘人散。爾東我西。戊日喜又喜。  
 苑生李。非常喜。只恐無終始。己日有遇有遇。金烏玉兔酒正濃時。花殘  
 日暮。庚日金戈莫問前程事。望外佳聲入戶來。休將閑事空惆悵。擡頭  
 瓊樹一枝開。辛日大斧破鼠背。雞兒反見傷。一場暗陰事。無故有灾殃。  
 壬日夢有仙官降紫雲。覺來依舊是黃昏。欲知驚起前程事。莫忘當初  
 指路人。癸日小徑被蛇驚。敲門不作聲。寇刀長在手。人語不堪聽。世  
 動見失在女奴。問公知得無。自來生竊者。掩老莫嗟吁。應動內蘊光華  
 德。家門被寵新。文章如錦綉。燦爛飾諸身。  
 郭璞洞林影

丙寅木 丙子水 丙戌土 己亥水 己丑土 己卯木



官鬼 妻財 兄弟 妻財 兄弟 官鬼


詩曰。山火賁卦省出入。非灾橫禍事留連。春後殘花秋後草。巖頭病馬浪  
 頭船。求財辛苦得便失。作事艱難破又圓。惟有求名人占此。文章萬選中

青錢。拆字賁者飾也。賁字上有世字濟世之兆。上有十字中有卅字。此為卅。初十卅日皆有期望。下有具。去八成目。添會成贈。賁添口成噴。添土成墳。有卅字無一口。乃是喜中不喜。鬼谷云。喜來無口笑。檻內一枝僖。豕陽車行無險阻。舟泛可通津。雨露從天降。門庭又一新。象陰一條雲路。兩重門。先到西園未遇春。非晚紫薇花欲滿。此時方得遇東君。初爻已卯木。有分攀龍角。昇天自有梯。月中一仙女。捧桂待多時。二爻已丑土。汨沒塵埃幾度秋。平生志意未能酬。春來方得施張處。試整衣冠再出頭。三爻已亥水。五百仙中始綴名。天恩君寵一時榮。歸來正好花開後。勝賞何妨踵玉均。四爻丙戌土。莫怪淹留久。逢春快利多。求名兼有利。遇喜見清和。五爻丙子水。祿從天上降。喜至不須求。昔日憂愁事。逢羊見始周。六爻丙寅木。官資早已到朝階。金紫榮身必是諧。一日沾恩孫與子。始知餘慶不塵埋。占風水。祖代羅城降氣雄。穿珠前後揖奇峯。待教羊馬三春遇。木土兒孫活計豐。寒鴉聚集形。宜高下。又為雌龍望石形。玉兔出林形。長房得意。次房照顧人。丁重立後可。若見火來燒山。便是尅應。一丙壬兩宮水旺財。一艮坤。一離山。癸向。一公訟利正。一妻憂少丁。一重立人丁。一枝鬼龍無人識。賁飾加增土作墳。財山

印庫却相逢。兩宮秀水真奇特。財若湧泉從此生。水皆朝北。泚泚喚為財。  
 温温何日止。墳前庫印排後六丑山未向。坐雙角向雙角。常人不葬丑未墳。  
 前便接貪狼水。來山坐定巨門星。源派悠悠能富貴。紫袍寶馬佩金章。果  
 是富貴無相應。更加陰陽相扶助。進益人丁桂子芳。水流去急無用出。雙  
 生子落地無氣。一發即倒冷筆退。因牛鹽公事人丁。却旺冤冤水朝主。女  
 人產厄。不怕三房四皆敗。古云。山飛水走急移場。占求官遷職。求財百  
 事吉。婚姻成。六甲生男占行人。至官事凶。有貴人提携。田蠶興旺。失物難  
 尋。病不死留連。東南上傷亡。占家宅不安。

海底眼

六親 丙官鬼 丙寅 木 丙妻財 丙子 水 丙兄弟 丙戌 土 丙子孫 丙申 金 丙父母 丙午 火 丙兄弟 丙辰 土



傍爻 外卦出現

康節卦影

丙寅木 丙子水 丙戌土 巳亥水 巳丑土 巳卯木  
 飛巳卯木

一 二 應 世 十一月卦正

官鬼 妻財 兄弟 妻財 兄弟 官鬼 伏丙辰土

虎出深林課 此卦占宅不和宜禳謝婚姻吉求財吉田蠶興旺公訟凶

孕生男葬吉出貴子 解曰賁飾也鬼爻持世人宅不和犬馬有難羊猴

未華佛上求福財祿光亨香火得力保佑合家 昔管仲叔牙卜得此卦

後得金彼此相讓也 詩琉璃毬掛竹竿頭鼠耗資財不用憂門內迤邐

逢犬馬自生福氣不須求 病 病人不死最留連山神野鬼急須求更

宜急謝公婆鬼東方社有廟冤讎 斷曰山火光明四海青此卦有光明

通泰之異所卜之人久不通之事曾被掩塞之乖若為卑下之人則當矣

若長上人則暗昧其卦謀望求事可也如能四方上下來往相謀光榮達

利百事皆成化得後卦更好夫賁卦與大有乾離并頭六卦皆有異色之

人提拔如意 武龍驚者子生離此卦最奇者己亥水為妻財臨於身宅


逢甲申旬卜而宅爻動有孕也甲午旬卜宅爻與四爻動而相應不日而

生其諸旬中卜若子孫在外化子孫妻財者孕婦憂疑也更能於益卦求

胎息訣看言之也 勾陳偏出家人患訣曰如見勾陳白虎臨於宅爻動

女人有患。家人息婦也。白虎多因户主盲。白虎騰蛇臨宅爻動。及見三  
 爻動亦不拘。白虎動。眼目耳鼻疾。化得火爻者。有頭風長有疾。家宅有  
 灾三位暗。見宅爻是財化爲鬼。勾陳動。白虎又臨是宅暗昧。求財望事。忌  
 此爻化鬼。則雖成易敗。求官之人。若五六位中有天喜青龍子孫者。大吉。  
 塚墳無禍六爻明。六爻爲墓園。甲寅旬之丙寅動。有墓園之喜。化青龍者。  
 有天爵之榮。門神被犯兼壇鬼。艮在外。謂之門。離在內。謂之壇神。初爻  
 戌爻。皆木神官鬼也。餘見剝卦中。朱雀刑人丑艮生。此卦無金爻。是子  
 孫見朱雀臨宅爻動。及化戌午火。刑於人口。公訟恐刑責也。

雙林影



寅木 子水 戌土 亥水 丑土 卯木  
 鬼 財 兄 財 兄 鬼

詩曰錦文光彩象多權。大利脩文見職員。作事得人光貴飾。只妨官病是  
 非連。山下有火賁。家庭事稱情有謀。謀未遂。何嘆是非聲。過了重山險。而  
 今始展顏。資財從此順。商羽恐凋殘。謀爲求財吉。田蠶七分賁。順打合用  
 事吉。但二五七月。官非相撓。宜忍自然散。人口啾唧。陰小不安。宜叩福。  
 功名束帛。爻爻花殘。再鮮。高人指處。明月團圓。遇商音人可就。六甲



喜事臨門。弄璋鹿存。一枝花綻。馬敬可分。有厄宜叩福。應申子辰日。時  
婚姻。賁飾家道。泰因緣。此歲華。閑言莫惆悵。鴛侶好生涯。宜向前。占

病啾唧。苦攢眉。灾星正會時。宜求鐘鼓福。雲散月光輝。應亥卯未。公  
事碌碌。勞心冗。閑愁耳伴來。烏鴉來又去。官府又傷懷。訟無大凶。有貴

人未免悠悠。宜和。出行。特地東風起。蟠菹花正開。重山宜進步。口吻且  
和諧。在外安。貴人和。事如意。打合有成。口舌宜忍。應亥卯未。申子辰日。

行人。出入行人至。何須苦苦憂。門前聞喜鵲。從此事方周。行人吉。應  
亥卯巳。申日有音。交易。因喜逢犬。月缺重圓。事定臨難。方免憂煎。事

成。但防人破。喜有貴人。應申子辰日。可成。失物。皎月被烏雲。烏雲掩不  
明。只因牛二尾。惹得是非聲。應亥卯未。日時。失物難見。可向東南。竹木

人家。問。見貴。不爾人情合。惟期事再新。團圓真皎月。散却許多屯。貴  
人順。宜向前。應亥卯未。日。求財。金谷漸團圓。花殘又再鮮。凡謀財得遂

一任近尊前。求財並遂。不宜遲遲。有貴人。  
火珠林

官鬼	丙寅	妻財	丙子	兄弟	丙戌	妻財	巳亥	兄弟	巳丑	官鬼	巳卯	七月卦	飛巳卯木
										世			伏丙辰土

此卦是管鮑卜得此卦後獲金。彼此相遜。終顯義名。贊曰。賁者飾也。光彩類焉。火色含丹。文章交錯。應雜其間。進耀榮益。束帛交交。頌曰。賁卦元來花錦生。居官食祿甚欽榮。初從噬嗑相拋擲。且是安全保利貞。歌曰。賁見山中火。元明照物華。拜官離玉案。起婦見金車。楚綰天生好。吳綾本自佳。芳菲星五色。爭似白蓮花。客人尋進退。必得舊還家。

卜筮元龜 艮上 離下 艮宮一世



官鬼 妻財 兄弟 妻財 兄弟 官鬼

猛虎靠巖之課。光明通泰之象。春故事重新。夏主病疾留連。秋百事吉。冬公訟口舌。解曰。賁者飾也。如日在山。萬物光彩。文章交錯。自然裝飾。占者遇之。如人受富貴。自然光亨。亦同天祐。不可慢易。彖曰。喜慶交加。門庭增飾。暗昧發明。灾除福集。謙退不矜。榮亨無極。今日光亨。皆由積德。象曰。衆惡皆消滅。吉喜自然生。如人行暗路。今却見天明。此卦求官遷職。見貴相喜。宅不和身灾。宜禳謝婚姻成。田蠶熟。求財遂意。公

卦求官遷職。見貴相喜。宅不和身灾。宜禳謝婚姻成。田蠶熟。求財遂意。公

訟凶。孕生男。病人不死。難安。犯家先。及東方神廟祭之吉。六甲旬斷  
 子旬 求財吉 戌旬 平家宅安 申旬 身吉財吉父母空亡 午  
 旬 官病不妨 辰旬 世空訟病吉 寅旬 官病留連 日六神斷  
 初爻已卯木官鬼持世 甲乙 青龍世喜至玄武鬼合門戶主驚恐不  
 妨 丙丁 朱雀世謀親憂至 戊己 勾陳木世病犯伏尸傷亡不妨  
 庚辛 白虎損財 壬癸 門戶不寧 十干詩斷 甲丙戊寅壬 行  
 舟無阻險。舟泛自通津。雨露從天降。求謀事漸新。乙丁己辛癸 祿從  
 天上降。喜至不須求。昔日憂愁事。逢羊始見周。六爻詩斷 初九 賁  
 其趾。舍車而徒。吉去偽從誠實。徒行却舍車。不煩增賁飾。簡儉是良圖。  
 六二。賁其須。吉攀龍元有分。獨用竟難成。遇鼠逢牛日。因人爲發明。九  
 三。賁如濡如。永貞吉。上吉門庭多喜慶。潤色更增光。待到蛇迎虎。金閨姓  
 字香。六四。賁如皤如。白馬翰如。匪寇婚媾。平中心雖欲速。其柰却遲延  
 守正無休患。居安福自天。六五。賁于丘園。束帛戔戔。吝終吉。大吉福祿  
 從天降。門中喜氣新。去奢從儉約。終保大光亨。上九。白賁無咎。吉務本  
 歸誠實。何須更飾非。春風依舊到花發。去年枝。  
 諸家斷易奇書

寅丙木 子丙水 戌丙土 亥巳水 丑巳土 卯巳木

土



飛巳卯木

伏丙辰土

官鬼 妻財 兄弟 妻財 兄弟 官鬼

此是管鮑卜得後獲金相遜終顯名義。贊曰：賁者飾也。光彩烜赫火色含丹。文章交錯應雜其間。進退榮益束帛戔戔。解曰：雨下潤澤也。車

行路有運轉也。舟張帆在江中。遇順風也。官人着公服登梯。乃足躡

雲梯也。仙女在雲中執桂。乃嫦娥親付桂枝也。晦庵斷例 賁 亨

小利有攸往 陽得陰助而離明於內。故為亨。以其剛上文柔而艮止於

外。故小利有攸往。初九 賁其趾。舍車而徒。剛德明體。自賁於下。為

舍非道之車。而安於徒步之象。占者自處當如是也。六二 賁其須。

陽剛而得正。皆無應與。故二附三而動。有賁須之象。占者宜從上之。陽剛

而動也。九三 賁如濡如。永貞吉。一陽居二陰之間。得其賁而潤澤

者也。然不可溺於所安。故有永貞之戒。六四 賁如皤如。白馬翰如。匪

冠婚媾。人白馬亦白矣。四初相賁為九三隔而不遂。故皤如。而其往來

之心。如飛翰之疾也。然剛正非為寇者也。乃求婚媾耳。六五 賁于丘

園束帛爻爻吝終吉。得賁之道。故有丘園之象。陰吝故有束帛之象。爻爻小意。雖可吝。然禮奢寧儉也。上九。白賁無咎。賁極。反本復於無色。善補過矣。

晦庵語續錄賁彖辭先儒云。天文也。上有剛柔相錯四字。恐是有之。方與下文相似。且得分曉。問山下有火。賁君子以明庶政。無敢折獄。本義云。明庶政。是之小者。無折獄。是之大者。此專是就象取義。伊川說此。則又就賁飾上說。不知二說可相備否。先生曰。明庶政。是就離上說。無折獄。是就艮上說。離明在內。艮止在外。則是事之小者。可以用明。折獄是大事。一折便了。有止之義。明在內。不能及他。故止而不敢折他。大凡就象中說。則意味長。若懸空說。道理雖說得去。亦不甚親切也。問賁君子以明庶政。無

敢折獄。先生曰。此與旅卦都說刑獄事。但爭艮與離之在內外。故其說相反。止在外。明在內。故明庶政。而不敢折獄。止在內。明在外。故明慎用刑。而不留獄。又曰。麤言之。如今州縣治獄。禁勘。審復。自有許多節次。過乎此而不決。便是留獄。不及乎此而決。便是敢於折獄。書云。要囚至于旬時。他自是有許多時日。此一段與周禮秋官同意。賁六四。白馬翰如。言此文無所賁飾。其馬亦白也。言無飾之象如此。問賁六五。賁于丘園。是在艮體。

故安止于丘園而不復有外賁之象。先生曰。雖是止體。亦是上比於九。漸漸到極處。若一向賁飾去。亦自不好。須是收斂方得。又問敦本務實。莫是反朴還淳之義否。先生曰。賁取賁飾之義。他今却來賁田園。為農圃之事。當賁之時。似若鄙吝。然儉約終得吉。吉則有喜。故象云有喜也。賁于丘園。束帛戔戔。是箇務農尚儉。戔戔。是狹小不足之意。以字義考之。從水則為淺。從貝則為賤。從金則為錢。如所謂束帛戔戔。六五居尊位。却如此敦本尚儉。便以吝嗇。如文公漢文帝雖是吝。却終吉。此在賁卦。有返本之到上九。便白賁。和束帛之類都沒了。問伊川解賁于丘園。指上九而言。看來似好。蓋賁。三陰皆受賁於陽。不應此文獨異。而作敦本務實說也。先生曰。如何園丘便能賁人。束帛戔戔。他解作剪裁之象。尤難。曲說不去。這八字平白在這裏。若如他說。則曲折多。意思遠。舊說指上九作高尚。隱于丘園之賢。而用束帛之禮聘召之。若不用某說。則此說似近。他將丘園作上九之象。束帛戔戔。作剪裁紛裂之象。則與象意大故相遠也。賁于丘園者。是務農尚本之義。菟陸是兩物。菟者。馬齒。菟陸者。章陸。一名商陸。皆感陰氣多者之物。藥中用商陸。治水腫。其子紅。澹齋文集。賁亨。小利有攸往。至觀乎人文。以化成天下。天地之物。未嘗不成於兩。有上則有下。有

此則有彼。有文則有質。一不獨立。待兩而行。兩雖別也。一則主之。所以為兩。動於情也。主之於一。復於性也。今夫賁之為卦。山上火下。以火燭山。物物陳露。文所由生。是兩月之相為用也。然火為能燭。山則所燭。能燭後也。所燭先也。先者定矣。屹不移矣。後者憧憧。徒往來矣。故賁之主在艮。其兩在離。離反其光。艮固自知。艮在焉。離則失照。觀之。彖曰柔來而文剛。分剛上而文柔。夫剛未嘗往也。文來柔之。來者有缺。然不足。屈而下之之意。然剛拒而不接。則惡於不和。而無以致亨。於是特分焉。上而文分者有裕。然有餘施。而與之之意。故柔文剛也。足以亨。剛文柔也。小利有攸往。小謂柔也。謂柔得所附。而不能有攸往也。由是觀之。剛本無文。柔之心亦無有心。求柔之文已也。柔自託焉。而剛亦因以致用。故棘子成曰。君子質而已矣。何以文為。彼之說固一曲。然亦誠獨見乎此也。至子夏論詩。則曰。繪事後素。其亦知繪素之俱。而繪必後於素乎。然柔來文剛。分剛上而文柔。則曰天文也。人文以止。則曰人文也。又曰。觀乎天文。以察時變。觀乎人文。以化成天下。何也。蓋天其質也。剛也。日月辰緯之錯行。四時六氣之推遷。柔也。所以文之也。錯行者。明晦之不同。推遷者。寒暑之自異。而為天者。常穹然臨之。聽其自爾。而莫之或為。故觀之者。特曰察時變。而不曰天變。蓋變在

時而不在天。此蓋柔來分剛之說也。至於人文。則君臣父子。夫婦長幼。是矣。夫林然而生。孰非人也。方其萃聚之衆。則若不可齊。趣操之異。若不可合。然為君臣則志同也。為父子則情親也。為夫婦則好合也。為長幼則悌順也。是皆懽然相通。粲然相接。繁縟而可觀。其文明蓋如此。雖文明矣。然志同者有分也。情親者有等也。好合者有別也。悌順者有倫也。則其止又如此。聖人於是因其文明也。發揮之以飾其外。因其止也。維綱之以制其內。機緘默運。使由而不知。不曰化成之乎。雖然二者固並行而不悖。然文明必曰以止何哉。蓋文明固待止而後能託以顯也。若止則疑無待於文明。姑亦勉而應焉。此又柔來文剛之說也。夫以天文人文觀者各異。至於以剛為本而柔從之。則一而已。吾於是論天下之文。必先乎天下之質。不幸而過。寧質無文。故艮至於上九。猶曰敦艮而離之過。則有焚如死如之凶。不然夫子何以筮而得此。愀然而悲。而莊周氏悼戰國之敝。亦有滅質之嘆。董仲舒察武帝之浮虛。亦有損周用夏之對。卦之上六曰。白賁而大傳曰。賁無色。古之聖賢其皆如此乎。麗澤論賁。伊川曰。合而後有文。此說甚好。小利有攸往。當看小字。雖如賁之文章。亦止於小利有攸往而已。彖曰。天下之人。先須看其基本如何。剛本強也。文之以柔。故無不亨。柔本




弱也。文以剛。則小利有攸往。文者。文飾之也。因其質之厚薄。而加飾耳。文王。聖人也。得尚父。佐輔之。故為大聖人之事業。周公。伊尹。聖人也。所佐者太甲。成王而已。則亦止於太甲。成王之事業。日月星辰雲漢之章。天之文也。父子兄弟君臣朋友人之文也。此理之在天人。常昭然未嘗滅沒。人惟不加考究。則不見其為文爾。此一段當看觀字。唯能觀察此理。則在天者。可以知時變。在人者。可以化成天下也。象曰。山下有火。賁。火在山下。山上草木皆被其光彩。是以謂之賁。賁。文也。山下有火。山上方有光輝。猶文章必從根極中來。聰明不可恃。人多恃其聰明。以折獄。故失之於過。君子雖聰明。而不敢自恃其明。故於獄。先敢折。大抵先敢折獄者。非謂延淹退縮也。乃周詳審察常者。若不明者之所為。故曰無敢折獄。初九。大抵人皆以外物為光華。而君子必思所以久遠之道。初九。一爻。本當從二之甚近。不以二光華。可慕而遠。從四則知久遠之道在此矣。夫舍車而徒。非謂有車而不之乘。以義之不當故也。象又恐人以道義自負。驕富貴。羞王公。故又曰義弗乘。蓋曰吾非輕富貴。車服為不足道。但義不當乘之耳。義當乘則乘之矣。若義之所在而乘之。則亦足以光華。此足以見君子不有外物之意。六二。大凡有本則有文。夫人之須不離於頤頤。文生於本。無本

之文。則不足貴。九三居內卦之極。又有離體。故為文明之極。故曰賁如濡如。然又曰永貞吉何也。蓋文之極。須當守以正。大凡有文之人。自為人所重。而此象乃曰終莫之陵者。此蓋有說。文士雖為人所愛。而亦為人所薄。若唐之王揚盧駱。雖有文采。終為人薄者。以不正故耳。若孔子孟子。非不文也。而後人仰之。莫不肅然而敬者。以其永正也。六經之文亦然。六四白馬翰如。此一句。須當看。且四與初為正應。為九三之剛間隔。故未婚媾。初四雖為九三間隔。然其從正應之志。如馬之飛。故後必合。凡人於事。其所當合者。終不為人所間。然亦不可以為當合。而不思慮也。必如馬之飛翰而後可。六五大凡居君位者。當使我裁判于人。不可受人之裁判。今六五雖君位。而陰柔之才。不足自守。故求上九之賢。而資比之。故云吝。然自知其才柔弱不足有為。而資求於人。與不求者固異矣。故曰終吉。上九伊川曰。惟能質白其賁。則無過飾之咎。此一過字。須當看。易傳於賁卦論取象卦變之義。甚詳。恐讀者易遽曉。今擇其可圖。隨文釋之。傳曰。有取二體。又取消長之義者。雷在地中復。山附於地剝是也。復是陽長。剝是陽消。所以名為復者。陽復。名剝者。陽剝。又曰。有取二象。兼取二爻。交變為義者。風雷益。兼取損上益下。山下有澤。損兼取損下益上是也。




巽上 益 上本是乾。下本是坤。損上體四之陽。將來益下體。初之陰。此損上益下也。故四變為陰。初變成陽。



艮上 損 上本是坤。下本是乾。損下體三之陽。將來益上體。兌下 上之陰。此損下益上也。故三變為陰。上變成陽。

又曰。有既以二象成卦。復取爻之義者。夬之剛決柔。姤之柔遇剛是也。

兌上 夬 夬。五陽決上之。陰。是剛決柔。



乾下 姤 陰。始生於下。與陽相遇。故曰柔遇剛。



又曰。鼎又以卦形為象。

離上 鼎 離上 巽下




又曰。有以形為象者。山下有雷。頤。頤中有物。曰噬嗑。是也。

艮上 頤 上下二陽。中含四陰。上震下 頤 止而下動。外實而中虛。




又頤領之象



 離上 震下 噬嗑  
 卦上下二剛爻而中柔。外剛中虛。又頤口之象。

也。中虛之中有剛爻焉。頤中有物之象也。

又曰訟無妄云剛來非自上體而來也。凡以柔居五者皆云柔進而上行。柔居下者也。乃居尊位是進而上也。非謂自下體而上也。


 乾上 坎下 訟  
 象曰剛來而得中也。謂之剛來。


者謂下體本是坤卦。剛自外面來變二之爻為坎也。剛爻只是從外面坤卦來。非從上體乾卦來。蓋上體乾三陽自足。元不移動。豈自上體來乎。


 乾上 震下 無妄  
 象曰剛自外來而為主於內。

謂下體本是坤卦。剛自外面來變初之一爻為震。此剛爻亦非從上體來與訟卦同。

又曰先儒謂賁本泰卦。豈有乾坤重而為泰。又由泰而變之理。下離本乾。中爻變而成離。上艮本坤。上爻變而成艮。離在內故云柔來。艮在上。

故云剛上。非自下體而上也。  
先儒說柔來而文剛。分剛上而文柔。



此文本泰九二之剛分此文上於此而文其柔



此文本泰上六之柔來此文其剛

伊川程氏說

中文變

成艮



上文變

成離



又曰乾坤變而為六子

乾 為父

坤初求於乾而得長女曰  
巽第一爻變故曰長

坤再求於乾而得中女曰  
離第二爻變故曰中

坤三求於乾而得少女曰  
兌第三爻變故曰少

此三卦是乾體坤來變之也

坤 為母

乾初求於坤而得長男曰  
震

乾再求於坤而得中男曰  
坎

三索乾三求於坤而得少男曰  
乾 艮

此三卦是坤體乾來變之也

五峯胡宏文集賁初九賁其趾舍車而徒象曰舍車而徒義弗乘也季  
氏使閔子騫為費宰子騫曰善為我辭焉如有復我者則吾必在汶上矣  
王烈寓於遼東公孫度欲以為吏烈為商賈以自穢乃免 六二賁其須  
象曰賁其須與上興也 六二文明賁之主其質陰柔隨質之善惡而賁  
之耳故不能變其質也如叔孫通制禮儀因漢高所能行者而已 六三  
賁如濡如永貞吉象曰永貞之吉終莫之陵也 三處文明之極陽奇陰  
耦陽居其中陰陽交合情文悅澤賁之盛也如舜得十六相文王得四友  
漢高得三傑光武得二十八將唐太宗得房杜王魏君臣相輔光被天下  
後世而膏澤下於斯民賁如濡如也方世之亂英雄角逐君擇其臣臣擇  
其君非素有定分也皆以情義意氣決相從耳苟不長守正固而繼之以  
疑阻猜嫌則君臣必不相保未有能終者也安得吉如陳靈之殺洩治趙  
遷之殺李牧袁紹之殺田豐是也終為人所陵辱矣 六五賁于丘園束  
帛戔戔吝終吉象曰六五之吉有喜也陳埴木鍾集賁之彖論人文則曰

文明以止。論天文而不言其所謂文。王弼註曰。剛柔文錯而成文。不知其所謂剛柔者。抑上文所謂剛柔耶。遇意上文之所謂剛柔者。以上下二休而言。恐非所謂天之文也。此作缺文看亦得。只就上文認亦得。柔來文剛。剛上文柔。剛柔相錯。只此便是自然之天文。剛柔交錯。即日月代明。非天文而何。忘筌書白賁。賁之上九。白賁無咎。上得志也。養素。故得志也。上九無位。處賁之極。白賁者也。夫文所以該衆。而白則質素。是萬理畢具存乎其間。而不彰也。惟白受彩而色備焉。色之本也。夫性命有理。道德有義。和順於道德而理於義。理窮則義存。聖人之學。終於存義。義存則無義矣。成性存存。性存則無性也。龍蛇之蟄。以存身。身存則無身矣。身存於白賁。色之至也。皆所以探其本。上九處艮之上。艮止而不獲其身。則其身存也。文柔而至於白賁。其色存也。凡有色者。皆從太素中出。無不具此者。患在不見耳。知其義者。特通理而已。見素。斯能養素。斯得志矣。大五色皆所以養無色者。五味皆所以養無味者。五聲皆所以養無聲者。五臭皆所以養無臭者。內外相應。未嘗有精粗輕重之差。而不見其本。斯為末之所勝。乃始歸咎而思屏去之。非達本者也。孔子於禮樂從先進。而繪事後素。則以為起予。深諭此也。申之以賁無色。所以啓後人者至矣。宋文天祥文集



經筵講義。熙明殿進講。敬天圖。周易賁卦。三三離下艮上。彖曰賁亨。柔來而文剛。故亨。分剛上而文柔。故小利有攸往。天文也。文明以正。人文也。觀乎天文以察時變。觀乎人文以化成天下。臣聞賁。文飾也。色相間則成文。故柔來文剛。剛上文柔。剛柔相間。所以為賁。賁離下艮上。離之體中。以一柔間兩剛。是柔來文剛。艮之體上。以一剛乘兩柔。是剛上文柔。使獨剛獨柔。不相為用。則不成文矣。此言賁之卦義也。天之文。為二曜五行象。緯交錯。故曰觀乎天文。此言天之賁也。人之文。為三綱五常倫理次序。故曰觀乎人文。此言人之賁也。以上係易彖大意。臣竊窺先皇帝作圖之旨。以敬天為名。其於賁卦。實摘取觀乎天文以察時變一條。臣謹按圖義。而為之辭。臣竊惟天一積氣耳。凡日月星辰。風雨霜露。皆氣之流行而發見者。流行發見處。有光彩。便謂之文。然有順有逆。有休有咎。其為證不一。莫不以人事為主。時之世也。彖易聖人。不曰天變。而曰時變。蓋常變雖麗於天。而所以常變。則係於時。人君一身。所以造化時世者也。故天文順其常。則可以知吾之無失政。一有變焉。咎即則我。是故天文者。人君之一鏡也。觀鏡可以察妍媸。觀天文可以察善否。且如歷家筭日食云。某日當食幾分。固是定數。然君德足以銷弭變異。則是日陰雲不見。以此見天雖有

變而實制於其時。又如旱魃災也。才側身脩行。則為之銷去。熒惑妖也。才  
出一善言。則為之退舍。天道人事。實不相遠。自古人君。凡知畏天者。其國  
未有不昌。先皇帝深識此理。故凡六經之言天文者。類聚而為之圖。以便  
觀覽。且恐懼脩省。為聖明之敬。嚴父之圖。即敬天在此矣。嗚呼。曷其柰何  
不敬。方舟先生後集



離下  
艮上







### 賁震坎

右賁上下體震坎互體。震足趾動。而艮止之為趾。坎為輿而止險。故舍車。  
六五艮山為丘。坤土為園。束帛質素。五數曰束。群書足用。聖賢孔子嘗筮  
卦得賁。愀然不平。子張曰。師聞卜者得賁吉也。而色有不平何也。對曰。以  
其離耶。在周易山下有火賁。非正色之卦。夫質也。異白宜正。今則賁非吾  
兆也。吾丹膝下文白玉不彫也。質有餘不足飾故也。家語好生篇

## 必

必忌切。許慎說文。必。宰之也。从卩。必聲。兵媚切。陸法言廣韻。好貌。徐鉉通  
釋彼至切。楊桓六書統。幫母必。統聲。必。隸。倪。鏜。六書類釋。又毗至切。春秋



晉楚戰于必。在鄭州管城縣。字溱。博義彼義。  
切音祕。趙謙聲音文字通。从卩。所以制也。

篆  張仲  晉姜鼎並見杜从  徐鉉  
書  医  古集篆古文韻海  篆韻

# 𧀦

必忌切許慎說文服逆予也从貝皮聲彼義切徐鍇通釋春秋傳楚遠啓疆言曰齊與晉𧀦夕久矣寡君無適與也而傳諸君博媚反顧野玉玉篇

悲偽切益也司馬光類篇一曰𧀦𧀦次第也又兵媚切楊桓六書統幫母𧀦說見寘韻統聲𧀦隸省熊忠韻會舉要宮清音趙謙聲音文字通逆予

也从貝所予物也今儻用畀韻 篆  六書  
會定正字切幫計幫賓邊𧀦 書  統

# 𧀦

必忌切許慎說文𧀦惡米也从米比聲周書有𧀦誓兵媚切徐鍇通釋按古文尚書費誓如此春秋作費魯地名今沂州費縣筆媚反顧野王玉篇

音祕地名𧀦同上文鄙冀切陸法言廣韻魯東郊地名丁度集韻亦作糝司馬光類篇蒲昧切又補妹切釋行均龍龕手鑑糝音祕二同楊桓六

書統幫母𧀦从米比聲𧀦統 篆  古論  籀文見杜从古  集篆古文韻海  𧀦  
聲𧀦隸糝从米非聲糝隸 書  語  𧀦

𧀦 並六 書統

永樂大典卷之一萬三千八百七十六

永樂大典卷之一萬三千八百七十七

三未

痺

必忌切許慎說文痺溼病也从疒界聲必至切司馬光類篇則營衛氣不至而頑痺也彼二反顧野王玉篇卑利切陸法言廣韻毗意切脚冷司馬

光類篇或作疢疢毗至切戴侗六書故病肌肉麻木也韓道昭五音類聚必寐切楊桓六書統幫母痺原聲痺隸痺或从比聲疢隸韻會定正字切

幫計幫

篆

賓邊痺

書

見杜从古集

篆

韻海

痺

徐鉉

並六

篆

韻

統

行書痺

王羲之

諸痺證治

素問痺論篇黃帝問曰痺之安生王冰註安猶何也言何以生岐伯對曰風寒溼三氣雜至合而為痺也

雖合而為痺發起亦殊矣其風氣勝者為行痺寒氣勝者為痛痺濕氣勝者為著痺也風則陽受之故為痺行寒則陰受之故為痺痛濕則皮肉筋脉受之故為痺著而不去也故凡痺從風寒濕之所生也帝曰其有五者何也言風寒濕氣各異則三痺生有五而何氣之勝也岐伯曰以冬遇此

者為骨痺。以春遇此者為筋痺。以夏遇此者為脉痺。以至陰遇此者為肌痺。以秋遇此者為皮痺。冬主骨。春主筋。夏主脉。秋主皮。至陰主肌肉。故各為其痺也。至陰為戊己月。及土寄三月也。帝曰。內舍五臟六腑。何氣使然。言皮肉筋骨脉痺。以五時之外。偶然內居臟腑。何以致之。岐伯曰。五臟皆有合病。久而不去者。內舍於其合也。肝合筋。心合脉。脾合肉。肺合皮。腎合骨。久病不去。則入於是。故骨痺不已。復感於邪。內舍於腎。筋痺不已。復感於邪。內舍於肝。脉痺不已。復感於邪。內舍於心。肌痺不已。復感於邪。內舍於脾。皮痺不已。復感於邪。內舍於肺。所謂痺者。各以其時重感於風寒濕之氣也。時謂氣王之月也。肝王春。心王夏。肺王秋。腎王冬。脾王四季之月。感謂感應也。凡痺之客五臟者。肺痺者。煩滿喘而嘔。以歲氣應息。又其脉還循胃口。故使煩滿喘而嘔。心痺者。脉不通。煩則心下鼓。暴上氣而喘。噎乾善噫。厥氣上則恐。心合脉。受邪則脉不通利也。邪氣內擾。故煩也。手心主心包之脉。起於胸中。出屬心包。下膻。手少陰心脉。起於心中。出屬心系。下膻。絡小腸。其支別者。從心系上俠咽喉。其直者。復從心系却上肺。故煩則心下鼓。滿暴上氣而喘。噎乾也。心主為噫。以下鼓滿。故噫之以出氣也。若是逆氣上乘於心。則恐畏也。神懼凌弱。故爾。肝痺者。夜卧則驚。多飲數

小便上為引如懷。肝主驚駭。氣相應。故中夜卧則驚也。肝之脉循陰股入髀中。環陰器。抵少腹。俠胃。屬肝。絡膽。上貫鬲。布脇肋。循喉嚨之後。上入頑頰。故多飲水。數小便。上引少腹痛。如懷妊之狀。腎痺者。善脹。尻以代踵。脊以代頭。腎者。胃之關。關不利。則胃氣不轉。故善脹也。尻以代踵。謂足攣急也。脊以代頭。謂身踈屈也。踵。足跟也。腎之脉起於足小指之下。斜趣足心。出於然骨之下。循內踝之後。別入跟中。以上腦內。出腦內廉。上股內後廉。貫脊。屬腎。絡膀胱。其直行者。從腎上貫肝鬲。入肺中。氣不足而受邪。故不伸展。林億新校正云。詳然骨一作然谷。脾痺者。四肢懈墮。發咳嘔汁。為大塞。土主四季。外主四肢。故四肢懈墮。又以其脉起於足。循臑膺上膝股也。然脾脉入腹。屬脾。絡胃。上鬲。俠咽。故發咳嘔汁。脾氣養肺。胃復連咽。故上為大塞也。腸痺者。數飲而出不得。中氣喘爭。時發飧泄。大腸之脉入缺盆。絡肺下鬲。屬大腸。小腸之脉。又入缺盆。絡心。循咽下鬲。抵胃。屬小腸。今小腸有邪。則脉不下鬲。脉不小鬲。則腸不行化。而胃氣畜熱。故多飲水而不得下出也。腸胃中陽氣與邪氣奔喘交爭。得時通利。以陽氣不化。故時或得通。則為飧泄。胞痺者。少腹膀胱按之內痛。若沃以湯。澀於小便。上為清涕。膀胱為津液之府。胞內居之。少腹處關元之中。內藏胞器。然膀胱之脉起

於目內眥上額交巔上入絡腦還出別下項循肩髃內俠脊抵腰中入循  
膂絡腎屬膀胱其支別者從腰中下貫臀入臍中今胞受風寒濕氣則膀胱

太陽之脉不得下流於足故少腹膀胱按之內痛若沃以湯溢於小便  
也小便既溢太陽之脉不得下行故上燥其腦而為清涕出於鼻竅矣沃

猶灌也林億新校正云按全元起本內痛二字作兩髀陰氣者靜則神藏  
躁則消亡陰謂五神藏也所以說神藏與消亡者言人安靜不涉邪氣則

神氣寧以內藏人躁動觸冒邪氣則神被害而離散藏無所守故曰消亡  
此言五臟受邪之為痺也飲食自倍腸胃乃傷臟以躁動致傷府以食飲

見損皆謂過用越性則受其邪此言六府受邪之為痺也淫氣喘息痺聚  
在肺淫氣憂思痺聚在心淫氣遺溺痺聚在腎淫氣之竭痺聚在肝淫氣

飢絕痺聚在脾淫氣謂氣之妄行者各隨臟之所主而入為痺也林億新  
校正云詳從上凡痺之客五臟者至此全元起本在陰陽別論中此王氏

之所移也諸痺不已亦益內也從外不去則益深至於身內其風氣勝者  
其人易已也帝曰痺其時有死者或疼久者或易已者其故何也岐伯曰

其入臟者死其留連筋骨間者疼久其留皮膚間者易已入臟者死以神  
去也筋骨疼久以其深也皮膚易已以浮淺也由斯深淺故有是不同帝



曰其客於六府者何也。岐伯曰。此亦其食飲居處為其病本也。四方雖土地溫涼高下不同。物性剛柔。食居亦異。但動過其分。則六府致傷。陰陽應象大論曰。水穀之寒熱。感則害六府。林億新校正云。按傷寒論曰。物性剛柔。食居亦異。六府亦各有俞。風寒濕氣中其俞。而食飲應之。循俞而入。各舍其府也。六府俞。亦謂背俞也。膽俞在十椎之傍。胃俞在十二椎之傍。三焦俞在十三椎之傍。大腸俞在十六椎之傍。小腸俞在十八椎之傍。膀胱俞在十九椎之傍。隨形分長短而取之。如是。各去脊同身寸之一寸五分。並足太陽脉氣之所發也。林億新校正云。詳六府俞。並在本椎下兩傍。此注言在椎之傍者。文畧也。帝曰。以鍼治之柰何。岐伯曰。五臟有俞。六府有合。循脉之分。各有所發。各隨其過。林億新校正云。按甲乙經。隨作治。則病瘳也。肝之俞曰太衝。心之俞曰太陵。脾之俞曰太白。肺之俞曰太淵。腎之俞曰太谿。皆經脉之所注也。太衝在足大指間。本節後二寸陷者中。林億新校正云。按刺腰痛注云。太衝在足大指本節後內間二寸陷者中。動脉應手。刺可入同身寸之三分。留十呼。若灸者。可灸三壯。太陵在手掌後骨兩筋間陷者。中刺可入同身寸之六分。留七呼。若灸者。可灸三壯。太白在足內側核骨下陷者。中刺可入同身寸之三分。留七呼。若灸者。可灸三壯。

大淵在手掌後陷者中。刺可入同身寸之二分留二呼。若灸者可灸三壯。大谿在足內踝後跟骨上動脈陷者中。刺可入同身寸之三分留七呼。若灸者可灸三壯。胃合入于三里。膽合入于陽陵泉。大腸合入于曲池。小腸合入于小海。三焦合入于委陽。膀胱合入于委中。三里在膝下三寸胫外廉兩筋間。刺可入同身寸之一寸留十呼。若灸者可灸三壯。陽陵泉在膝下一寸胫外廉陷者中。刺可入同身寸之六分留十呼。若灸者可灸三壯。少海在肘內大骨外去肘端五分陷者中。屈肘乃得之。刺可入同身寸之二分留七呼。若灸者可灸五壯。曲池在肘外輔屈肘曲骨之中。刺可入同身寸之五分留七呼。若灸者可灸三壯。委陽在足臑中外廉兩筋間。刺可入同身寸之七分留五呼。若灸者可灸三壯。屈伸而取之。委中在臑中央約文中動脈。刺可入同身寸之五分留七呼。若灸者可灸三壯。林億新校正云。按刺熱注。委中在足膝後屈處。餘並用此。故經言循脈之分。各有所發。各隨其過。則病瘳也。過。謂脈所經過處。林億新校正云。詳王氏以委陽為三焦合。按甲乙經云。委陽三焦下輔俞也。足大陽之別絡。三焦之合。自在手少陽經。天井穴。為少陽肝之所入。為合。詳此六府之合。俱引本經所入之穴。獨三焦不引本經所入之穴者。王氏之誤也。王氏但見甲乙經云。三焦合于委陽。彼說自

異彼又以大腸合于巨虛上廉。小腸合于下廉。此以曲池少海易之。故知當以天井穴為合也。帝曰。榮衛之氣亦令人痺乎。岐伯曰。榮者水穀之精氣也。和調於五臟。灑陳於六府。乃能入於脉也。正理論曰。穀入於胃。脉道乃行。水入於經。其血乃成。又靈樞經曰。榮氣之道。內穀為實。林億新校正云。按別本。實作寶。穀入於胃。氣傳與肺。精專者上行。經隧由此。故水穀精氣合。榮氣運行而入於脉也。故循脉上下。貫五臟。絡六府也。榮行脉內。故無所不至。衛者水穀之悍氣也。其氣慄疾滑利。不能入於脉也。悍氣謂浮盛之氣也。以其浮盛之氣。故慄疾滑利。不能入於脉中也。故循皮膚之中。分肉之間。熏於膏膜。散於膏腹。皮膚之中。分肉之間。謂脉外也。膏膜謂五臟之間。鬲中膜也。以其浮盛。故能布散於膏腹之中。空虛之處。熏其膏膜。令氣宣通也。育音荒。逆其氣則病。從其氣則愈。不與風寒濕氣合。故不為痺。帝曰。善。痺或痛或不痛。或不仁。或寒或熱。或燥或濕。其故何也。岐伯曰。痛者寒氣多也。有寒故痛也。風寒濕氣客於肉分之間。迫切而為沫。得寒則聚。聚則排分肉。肉裂則痛。故有寒則痛也。其不痛不仁者。病久入深。榮衛之行。滯經絡時。疎故不通。林億新校正。按甲乙經。不通作不痛。詳甲乙經。此條論不痛與不仁兩事。後言不痛。是載明不痛之為重也。皮膚不營。故

為不仁。不仁者。皮頑不知有無也。其寒者。陽氣少。陰氣多。與病相益。故寒也。病本生於風寒濕氣。故陰氣益之也。其熱者。陽氣多。陰少。病氣勝。陽

遭陰。故為痺熱。遭。遇也。言遇於陰氣。陰氣不勝。故為熱。林億新校正云。按

甲乙經。遭。作乘。其多汗而濡者。此其逢濕甚也。陽氣少。陰氣盛。兩氣相感

故汗出而濡也。中表相應。則相感也。帝曰。夫痺之為病。不痛何也。岐伯曰。

痺在於骨則重。在於脉則血凝而不流。在於筋則屈而不伸。在於肉則不

仁。在皮則寒。故具此五者。則不痛也。凡痺之類。逢寒則蟲。逢熱則縱。帝曰。

善。蟲。謂皮中如蟲行。縱。謂縱緩不相就。林億新校正云。按甲乙經。蟲。作急

總論宣明五氣篇。邪入於陰則痺。五臟生成篇。卧出而風吹之。血凝於

膚者為痺。異法方宜論。南方者。天地所長養。陽之所盛處也。其地下。水

土弱。霧露之所聚也。其民嗜酸而食腐。故其民皆緻理而赤色。其病攣痺。

至真要大論篇。少陰在泉。主勝。則鬲中衆痺皆作。發於肱脇。靈樞壽天

剛柔篇。病在陰者。命曰痺。刺節真邪篇。虛邪留而不去。則痺。五變篇。

黃帝曰。何以候人之善病痺者。少俞答曰。粗理而肉不堅者。善病痺。黃帝

曰。痺之高下有處乎。少俞答曰。欲知其高下者。各視其部。九針篇。岐伯

曰。風者。人之股肱八節也。八正之虛風。八風傷人。內舍於骨解。腰脊節膝

理之間為深痺。故為之治。鍼必長其身鋒其末。可以取深邪遠痺也。華陀中藏經痺者。風寒暑濕之氣中於人臟腑之為也。入腑則病淺易治。入臟則病深難治。而有風痺。寒痺。濕痺。熱痺。氣痺。又有筋骨。血肉。氣之五痺也。大凡風寒暑濕之邪入於心。則名血痺。入於脾。則名肉痺。入於肝。則名筋痺。入於肺。則名氣痺。入於腎。則名骨痺。感病則一。其治乃異。痺者。閉也。五臟六腑感於邪氣。亂於真氣。閉而不仁。故曰閉也。又痺病。或痛。或癢。或淋。或急。或緩。而不能收持。或拳而不能舒張。或行力艱難。或言語謇澁。或半身不遂。或四肢拳縮。或口眼偏邪。或手足欹側。或行步而不能言語。或不能行步。而左偏枯。或右壅滯。或上不通於下。或下不通於上。或大腑閉塞。或左右手疼痛。或即疾而即死。或感體而未亡。或喘滿不寐。或昏冒而不醒。種種諸證。皆出於痺也。痺者。風寒暑濕之氣中於人。則使之然。其於脉候形證治療之法。各亦不同焉。孫思邈千金要方諸痺。由風寒濕三氣。併客於分肉之間。迫切而為沫。得寒則聚。聚則排分肉。肉裂則痛。痛則神歸之。神歸之則熱。熱則痛解。痛解則厥。厥則他痺發。發則如是。此內不在藏。而外未發於皮膚。居分肉之間。真氣不能周。故為痺也。其風最多者。不仁則腫。為行痺。走無常處。其寒多者。則為痛痺。其濕多者。則為著痺。冷汗濡。

但隨血脈上下不能左右去者。則為周痺也。痺在肌中。更發更止。左以應左。右以應右者。為偏痺也。夫痺其陽氣少。而陰氣多者。故令身寒。從中出其陽氣多。而陰氣少者。則痺且熱也。諸痺風勝者。則易愈。在皮間亦易愈。在筋骨則難痊也。久痺入深。令榮衛澀。經絡時踈。則不知痛。風痺濕痺。周痺筋痺。脉痺肌痺。皮痺骨痺。胞痺。各有證候。形如風狀。得脉別也。脉微澀。其證身體不仁。索矩傷寒新書。治痺投大熱藥。因而大便結。口乾舌燥者。在以潤利湯劑。時間踈解腹中諸痺疾。當如形體諸痺病狀。常以風寒濕方為治。不可一理投升降氣藥而已。聖濟總錄論曰。飲天和。食地德。皆陰陽也。然陽為氣。陰為血。氣為衛。血為榮。氣衛血榮。通貫一身。周而復會。如環無端。豈鬱閉而不流哉。夫惟動靜居處失其常。邪氣乘間。曾不知覺。此風寒濕三氣。所以雜至。合而為痺。淺則客於肌膚。深則留於骨髓。陽多者。行流散。徒而靡常。陰多者。凝泣滯礙。而有著。雖異狀殊態。然即三氣以求之。則所謂痺者。可得而察矣。且痺害於卑。其為疾也。初若無足。治至其蔓而難圖。則偏廢弗舉。四體不隨。皆自詒伊戚者也。可不慎哉。論曰。痺雖異狀。然皆本於三氣。寒氣多者。謂之冷痺。其證令人脚膝痠疼。行履艱難。四肢痺麻。身體俱痛。甚則有一身不隨者。王貺濟世全生指迷方。若始覺

肌肉不仁。久而變生他證。病名曰痺。此由風寒濕三氣客於經絡。舍於血脉。搏於榮衛。故令皮膚痺而不仁。有熱則肌肉骨節煩疼。有寒則冷痛。以春得之在筋。夏得之在脉。秋得之在皮。冬得之在骨。四季得之在肌肉。又久而不去。各傳其臟。筋痺不已。舍之於肝。夜卧則驚。飲食多。小便數。上為引如懷。脉痺不已。舍之於心。其脉不通。煩滿心下鼓。暴上氣。肌痺不已。舍之於脾。其狀四肢懈墮。發渴嘔汁。上為大塞。皮痺不已。舍之於肺。其狀煩滿而喘嘔。骨痺不已。舍之於腎。其狀善脹。尻以代踵。脊以代頭。右此諸證雖多。必先肌肉不仁。其始治當以增損小續命湯。證狀小不同者。當依本法。病久入深。則以魯公酒方見後。陳無擇三因方。夫風濕寒三氣雜至。合而為痺。雖曰合痺。其用自殊。風勝則為行痺。寒勝則為痛痺。濕勝則為著痺。三氣襲人經絡。入於筋脉。皮肉肌骨久而不已。則入五臟。凡使人煩滿喘而吐者。是痺客於肺。煩心上氣。噎乾恐噫。厥脹滿者。是痺客於心。多飲數小便。小腹脹痛。如懷妊。夜卧則驚者。是痺客於肝。善脹。尻以代踵。脊以代頭者。是痺客於腎。四肢懈墮。發咳嘔沫。上為大塞者。是痺客於脾。又有腸痺者。數飲而小便不利。中氣喘急。時發飧泄。又胞痺者。小復按

之內痛。若沃以湯。澀於小便。上爲清涕。又六府各有俞。風寒濕中。其俞而食飲應之。故循俞而入。各舍其府。治之隨其府俞。以施針灸之法。仍服逐風濕寒發散等藥。則病自愈。大抵痺之爲病。寒多則痛。風多則行。濕多則着。在骨則重而不舉。在脉則血凝而不流。在筋則屈而不伸。在肉則不仁。在皮則寒。逢寒則急。逢熱則縱。又有血痺。以類相從。附于此門外。有支飲作痺。見痰飲門。嚴用和濟生方論曰。風寒濕三氣雜至。合而爲痺。皆因體虛。腠理空疎。受風寒濕氣而成痺也。大率痺病。總而言之。凡有五種。筋痺。脉痺。皮痺。骨痺。肌痺。是也。筋痺之爲病。應乎肝。其狀夜卧則驚。飲食多。小便數。脉痺之爲病。應乎心。其狀血脉不流。令人痿黃。心下鼓。氣卒然逆喘不通。溢乾善噫。肌痺之爲病。應乎脾。其狀四肢懈怠。發欬嘔吐。皮痺之爲病。應乎肺。其狀皮膚無所知覺。氣奔喘滿。骨痺之爲病。應乎腎。其狀骨重不可舉。不遂而痛。喜脹。診其脉大而潛。爲痺。脉來急者。亦爲痺。脉潛而緊者。亦爲痺。又有風血痺。陰邪入於血經故也。外有支飲。亦令人痺。當隨證施治。劉守真宣明論方。痺。廼風寒濕三氣相合。而爲痺。風者百疾之長。善行數變。當汗惡風。目瞬脇痛。或走注四肢。皮膚不仁。屈伸



不便。張子和儒門事親。夫痺之為狀。麻木不仁。以風濕寒三氣合而成之。故內經曰。風氣勝者為行痺。風則陽受之。故其痺行。旦劇而夜靜。世俗莫知。反呼為走。注疼痛。虎咬之疾。寒氣勝者為痛痺。寒則陰受之。故其痺痛。旦靜而夜劇。世俗不知。反呼為鬼忤。濕氣勝者為著痺。濕勝則傷筋脉皮肉。故其痺著而不去。肌肉削而著骨。世俗不知。反呼為偏枯。此病之作。多在四時陰雨之時。及三月九月。太陽寒水用事之月。故草枯水寒之為甚。或瀕水之地。勞力之人。辛苦失度。觸冒風雨。寢處津濕。痺從外入。况五方土地寒暑殊氣。剛柔異稟。食飲起居。莫不相戾。故所受之邪。各有淺深。或痛或不痛。或仁或不仁。或筋屈而不能伸。或引而不能縮。寒則蟲行。熱則縮緩。不相亂也。皮痺不已而成肉痺。肉痺不已而成脉痺。脉痺不已而成筋痺。筋痺不已而成骨痺。久而不已。內含其合。若腑臟俱病。雖有智者不能善圖也。凡病痺之人。其脉沉澁。今人論方者。見諸痺證。遽作脚氣治之。豈知內經中本無脚氣之說。或曰。諸方亦有脚氣統論。又有脚氣方藥。若止取素問。則諸方皆非。即曰。痺病以濕熱為源。風寒為兼。三氣合而為痺。柰何治此者。不問經絡。不分臟腑。不辯表裏。便作寒濕脚氣。烏之。附之。乳之。沒之。種種燥熱攻之。中腕灸之。臍下燒之。三里火之。蒸之。熨之。湯之。炕

之。以至便旋澀滯。前後俱闕。虛燥轉甚。肌膚日削。食飲不入。邪氣外侵。雖  
遇扁華。亦難措手。若此者何哉。胃膈間有寒痰不去故也。痺病本不死。死  
者醫之誤也。雖亦用蒸之法。必先涌去其寒痰。然後諸法皆効。內經曰。五  
臟有俞穴。六府有合穴。循脉之本分。各有所發之源。以砭石補之。則痺病  
瘳。此在內經中明白具載。如之何不讀也。陳下酒監魏德新。因赴冬選。犯  
寒而行。真氣元衰。加之坐卧冷濕。食飲失節。以冬遇此。遂作骨痺。骨屬腎  
也。腰之高骨壞而不用。兩膝似折。面黑如炭。前後腫痛。痿厥嗜卧。徧問諸  
醫。皆作腎虛治之。余先以玲瓏竈熨蒸數日。次以苦齊上涌。訖寒痰三二  
升。下虛上實。明可見矣。次以淡齊使白朮除脾濕。令茯苓養腎水。責官桂  
伐風木。寒氣偏勝則加薑附。否則不加。又刺腎俞大谿二穴。二日一刺。前  
後一月。平復如故。僕嘗用治傷寒汗下吐三法。移為治風痺痿厥之法。愈  
者多矣。王好古醫壘元戎四時之正氣。八節之風來。朝太乙也。風氣安靜。  
乃可利經脉。調血氣。故曆志忌之。八節前後各五日不可灸刺。風朝太乙。  
具見天元玉冊。八正者。所以候八風之虛邪。以時至者也。四時者。所  
以分春夏秋冬之氣。所在以時調之。八正之虛邪。而避之勿犯也。以身之  
虛。逢天地之虛。兩虛相感。其氣至骨。入則傷五臟。故曰天忌。君子不可不

知也。海藏云。豈八節風而已。凡七十二候中諸節之氣。寒暑溫涼應尔。其變異常者。皆可避忌之。酒濕之為病。亦能作痺證。口眼喎斜。躄曳半身不遂。渾似中風。舌語不正。當泄濕毒。不可作風病治之。而苦汗也。衍義所論甚當。易簡所論與相同。孫允賢醫方集成。凡痺疾自有五種。筋痺。脉痺。骨痺。皮痺。肌痺。是也。多由體虛之人。腠理空疎。為風寒濕三氣所侵。不能隨時驅散。流注經絡。久而為痺。其為病也。寒多則掣痛。風多則引注。濕多則重著。其病在筋者。則屈而不能伸。應乎肝。其證夜卧多驚。飲食少。小便數。其病在脉者。則血凝而不流。應乎心。其證令人痿黃。心下鼓。氣卒然逆喘不通。嗌乾善噫。其病在骨者。則重而不能舉。應乎腎。其證手足不遂。而多痛。心腹脹滿。其病在皮者。多寒。遇寒則急。逢熱則縱。應乎肺。其證皮膚無所。知覺。氣奔喘滿。其病在肌肉者。多不仁。應乎脾。其證四肢懈怠。發咳嘔吐。診其脉大而濇。或來急而緊。俱為痺之候也。治之當辨其所感風寒濕三氣。注于何部分。其表裏。須從偏勝者。主以藥餌。又有停畜水飲。亦令人痺。又當隨證治之。至如白虎歷節。遍身痛者。無非風寒濕三氣乘之。巢氏云。飲酒多風。汗出入水。遂成斯疾。久而不愈。令人骨節蹉跌。恐為癩癧之病。如有此證。治之宜早。為貴。表當時大方論曰。原痺之為病。乃風寒濕

毒之氣共合而成痺也。其狀肌肉頑厚。或則疼痛。或先措末。漸蔓他處。久而不治。變生異證。感疾之由。多因酒色之後。坐卧當風。汗出入水。逼襲冷濕衣。潤衣穿漬履。日漸月漬。積成此疾。皆緣腠理先虛。膚緻不密。外邪之氣得以後客。先中經絡。後之五藏。其以春遇痺者為筋痺。筋痺不已。又遇邪者則移入於肝。肝痺之狀。夜卧則驚。飲食多。小便數。夏遇痺者為脉痺。脉痺之狀。血脉不流。令人痿黃。脉痺不已。又遇邪者則移入於心。心痺之狀。心下鼓。氣卒然逆。喘不通。咽乾喜噫。仲夏遇痺為肌痺。肌痺之狀。皮肉粗厚。膚理胼胝。或復重腫。肌痺不已。又遇邪者則移入於脾。脾痺之狀。四肢懈墮。發欬作嘔。秋遇痺為皮痺。皮痺之狀。皮膚都無所。知覺。皮痺不已。則移入於肺。肺痺之狀。氣奔喘痛。冬遇痺者為骨痺。骨痺之狀。骨重不可舉。四肢不遂而痛。骨痺不已。又遇邪者則移入於腎。腎痺之狀。喜脹腰重。論其脉大澁者為痺。脉急澁而緊者皆為痺。凡病不仁。痿厥。脉虛者生。緊者死。治驗趙素風科集驗方史記齊王故為陽虛侯時病甚。徐廣曰。齊悼惠王子也。名將廬。以文帝十六年為齊王即位。十一年卒。謚孝王。衆醫皆以為厥足。臣意診脉以為痺。根在右脇下大如覆杯。令人喘逆。氣不能食。臣意即以大齊粥且飲六日。氣下即令更服丸藥。出入六日病已。病得之。

內診之時能識其經解。大識其病所在。南陽酈縣山中有甘谷水。谷水所以味甘。谷上左右皆生甘菊。菊花墮其中。歷世彌久。故水味為變。其臨此谷中居民。皆不穿井。悉食甘谷水。食者無不老壽。高者百四五十歲。下者不失八九十。無夭年人。得此菊力也。故司空王暢太尉劉寬。太傅袁隗。皆為南陽太守。每到官常使酈縣。月送甘谷水四十斛。以為飲食。此諸公多患風痺及眩暈。皆得痊愈。盛弘之荊州記云。酈縣菊水。太尉胡廣。又患風羸。常飲此水。後疾遂瘳。真誥云。李整採服石腦。療風痺虛損。而得長生。甄權治魯州刺史庾狄。欽風痺不能挽弓。權使穀矢。嚮墉立鍼其肩髑。一進曰。可以射矣。果如其言。類用方藥。靈樞壽天剛柔篇。黃帝曰。寒痺之為病。柰何。伯高答曰。寒痺之為病也。留而不去。時痛而皮不仁。黃帝曰。刺寒痺。內熱柰何。伯高答曰。刺布衣者。以火焯之。刺大人者。以藥熨之。黃帝曰。藥熨柰何。伯高答曰。用淳酒二十升。蜀椒一斤。乾薑一斤。桂心一斤。凡四種。皆以酒漬。酒中用綿絮一斤。細白布四丈。并內酒中。置酒。馬矢煨中。蓋封墜。勿使泄。五日五夜。出布綿絮。曝乾之。乾復漬。以盡其汁。每漬必晬其日。乃出乾之。并用粗與綿絮複布為複中。長六七尺。為六七中。則用之。生桑炭灸中。以熨寒痺所刺之處。今熱入至于病所。寒復灸中。以熨之。

三十遍而止。汗出。以巾拭身。亦三十遍而止。起步內中。無見風。每刺必熨。如此病已矣。此所謂內熱也。張子和儒門事親。凡大人。小兒。風濕寒三氣。合而為痺。及手足麻痺不仁。內經曰。榮虛衛實。皮膚不仁。瘰而不知痒痛。可用蔚金散吐之。次服導水丸。經寒之藥。泄之。泄訖。次以辛溫之臍發散。汗出後。常服當歸芍藥烏附。行經和血之藥。則愈矣。凡男子。婦人。小兒。手足麻痺。肌肉不仁者。風寒濕三氣相雜至。合為痺。先用黃芩芍藥湯吐之。吐訖。次用通解丸。通經而瀉之。瀉訖。更用辛甘之劑。汗之。汗瀉之後。可用當歸。清涼飲子。兼烏荊丸。除濕丹。和血行經之藥。則愈矣。張子和活法心要。痺。謂坐濕。當風。客經絡。淺則皮膚。深則骨髓。其本謂濕。去濕。甘遂。牽牛為主。

脉

素問脉要精微論。胃脉搏堅而長。其色赤。當病折髀。其突而散者。當病食痺。按之至骨。脉氣少者。腰脊痛。而身有痺也。平人氣象論。脉濇曰痺。靈樞論疾診尺篇。血脉多黑。為久痺。王叔和脉經尺脉虛小者。痿痺。脚疼。尺脉細而急者。筋攣痺。不能行。寸口中虛弱者。傷氣。氣不足。大如桃李實。苦痺也。肝脉微緩。為水瘕痺。左手關前寸口陽實者。小腸實也。苦

心下急痺。右手尺中神門以後。脉陰實者。足少陰經也。病苦痺。脾脉沉之而濡。浮之而虛。苦腹脹煩滿。胃中有熱。不嗜食。食而不化。四肢苦痺。時不仁。巢元方病源診其脉尺中虛小者。是脛寒痿痺也。蒙永年扁鵲脉髓診脉大而濇者為痺。脉來急者為痺。

方

楊子建萬全護命方治冷痺風。其病狀腰膝間疼痛。冷痺行履艱阻。精神不足。忽時疼痛。兩足厥冷。此病蓋因久坐濕地。忽曾經冷處睡卧得。但臨病發時。覺多困少力。精神不守。渾身筋骨沉重無力。然後發作。宜服此方。

石斛去根

五味子

茯苓

當歸

續斷

芎

木瓜

草薺各半兩

官桂去皮

附子炮去皮

防風

羌活

獨活

細辛各一分

川椒去黑子

木香各三銖

牛膝一兩

右為細末。煉蜜丸如梧桐子大。早朝空心。鹽湯酒任下四十九。

和劑局方加減三五七散。治八風五痺。癱瘓躄曳。口眼喎斜。眉角牽引。項背拘強。牙關緊急。心中憤悶。神色如醉。遍身發熱。骨節煩疼。肌肉麻木。腰

膝不仁。皮膚掣動。或如蟲行。又治陽虛頭痛。風寒入腦。目旋運轉。有似舟  
舩之上。耳內蟬鳴。或如風雨之聲。應風寒濕痺。脚氣緩弱等疾。並能治之。  
即係大三五七散

山茱萸

乾薑炮

茯苓去皮各三斤

附子炮去皮臍三十五箇

細莘一斤八兩 防風去蘆四斤

右為細末。每服貳錢。溫酒調下。食前。

聖濟總錄天麻散。治諸痺身體癢麻。或多癢痺筋脉拘急。言語蹇澀手足  
不隨方

天麻

白附子炮

羌活去蘆頭

防風去叉

芎藭

獨活去蘆頭

當歸切焙

桂去蘆皮各半兩

白僵蠶炒

牛膝去苗酒浸切焙

草薺各三分

乾蠍去土炒

麻黃去根節各一兩

右一十三味。搗羅為散。每服二錢。煖竹瀝半盞。酒半盞。調下。不計時。  
巴戟天湯。治冷痺。脚膝疼痛。行履艱難方

巴戟天去心三兩

五加皮二兩

草薺

牛膝酒浸切焙 石斛去根

甘草炙各一兩半



防風去義 白茯苓去黑皮各一兩三分 附子炮裂去皮臍  
二兩

右九味。哎咀如麻豆。每服五錢匕。生薑三片。水一盞半。煎至一盞。去滓。空心温服。

牛膝散。治冷痺脚膝疼痛無力。

牛膝酒浸切焙一兩 桂去麋皮半兩 山茱萸一兩

右三味。搗羅為散。每服空心。温酒調二錢匕。日再服。

革薺丸。治風冷痺。遊走無定處。亦名血痺方。

革薺 山芋 牛膝去苗酒浸焙

澤瀉各一兩 熟乾地黄焙二兩半 地膚子

乾漆炒煙出 狗脊去毛各三分 白朮半兩

茵芋一分

右一十味。搗羅為細末。煉蜜和丸。如梧桐子大。每服空心。温酒下二十丸。日再

許叔微普濟本事方烏頭丸。治宿患風癱。遍身黑色。肌體如木。皮膚麁澀。及四肢麻痺。宜服。

草烏頭一斤入竹蘿子內以水浸用瓦子於蘿內就水中瀧洗如打菱角法直候瀧洗去大皮及尖腔起令乾用麻油四兩鹽四兩入鈔內炒令深黃色傾出油只留鹽并烏頭再炒令黑色煙出為度取一枚劈破心內如米一點白恰好也如白多再炒趁熱杵羅為末用醋糊丸如梧子大乾之每服三十丸空心晚食前溫酒下 貞州資福文雅白老元祐間有此疾服數年肌體黑黥頓除脚力強健視聽不衰有一宗人遍身紫癩風身如墨服踰年體悅澤教予服之亦得一年許諸風疹瘡瘍皆除然性差熱雖制去毒要之五七日作烏頭粥啜之為佳粥法用預章集中者

王貺濟世全生指迷方魯公酒

茵芋

川烏頭

炮去皮臍

躑躅花各一兩一分

天雄炮去皮臍防已

石斛去根各一兩

細辛去苗

栢子仁

牛膝去苗

甘草炙

通草

桂去皮取心

山茱萸

秦艽去苗土

黃芩

茵陳蒿

瞿麥

附子炮去皮臍

杜仲去皮

澤瀉

王不留行

石南

防風

遠志去心

生乾地黃各半兩

右吹咀酒四斗漬十日每服一合常令酒氣相續

魏氏家藏方五痺湯治風痺寒痺氣痺濕痺血痺等五疾并皮膚頑麻肌肉酸痛手足不隨一臂無力腰脊強硬筋脉拘急發熱惡風不時汗出或飲酒當風肌肉頑麻臂痛舉物艱難紹興宋藏一丞相前後以錢數千緡并指使恩澤與國醫樊彥端死得於其子丞相之子元忠少卿以傳余云前後治人無一不立驗元忠家一圃人因夏月大雨中治圃中濕四肢發熱如火腰膝痛楚如刀刺直聲號叫祈死不能投之三服即安元忠總領淮東軍馬錢糧屯軍鎮江凡軍士及婦人病風寒濕血氣痺五者服之無不効驗前後合此藥幾千餘斤濟人真愈疾萬全神方也

片子薑黃四兩

白朮四兩春月減半炒

川羌活二兩

甘草一兩炙

右吹咀每服三錢水一大盞生薑十片煎至七分去滓稍熟食前服陳曄家藏方治腰脚冷痺風麻肢節疼痛不思飲食服芎桂散

牛膝二兩去苗酒浸

白茯苓一兩去皮

桂心去廉皮不見火

川芎

防風去蘆

人參去蘆

附子炮去皮臍當歸去蘆劉微炒

川烏頭炮去皮臍各一兩

羌活各三分

甘草一分炙微赤

白朮各半兩炒

右咬咀每服三錢水一盞半生薑五片棗子三枚煎至七分去滓不

計時候溫服

黎民壽簡易方芎附散治五積痺腿并臂間發作不定此脾胃虛衛氣不  
溫分肉為風寒濕所著

川芎

附子

黃耆

白朮

防風

當歸

桂心

柴胡

甘草

熟地黄各等分

右為粗末每服四錢水一盞半薑三片棗一箇同煎至八分去滓食

前日三服常服不生壅熱兼稍積冷

嚴用和濟生方茯苓湯治支飲手足麻痺多睡眩冒

半夏湯泡七次赤茯苓去皮

橘紅各一兩

枳實去穰麩炒

桔梗去蘆

甘草炙各半兩

右咬咀每服四錢水一盞半薑七片煎至七分去滓溫服不拘時候

蠲痺湯。治身體煩疼。項背拘急。或痛或重。舉動艱難。及手足冷痺。腰腿沉重。筋脉無力。

當歸 去蘆酒浸 赤芍藥

黃耆 去蘆

片子薑黃

羌活 各一兩半 甘草 炙半兩

右 咀。每服四錢。水一盞半。生薑五片。棗子一枚。煎至八分。去滓。溫服。不拘時候。

御藥院方熏蒸方。治腎氣衰少。脾腎肝三經受於寒濕。停於腿膝。使經絡凝而不行。變成脚痺。故發疼痛。此藥能和榮衛。通經絡。

小麥麩 約四五斤

小椒 一把

酒 一盞

葱白 三大莖寸切

醋 不計多少 攪拌上件麩等濕潤

為度

鹽 一把

右件以銀器炒令極熱。攤卧褥下。將所患腿脚就卧熏蒸。薄衣被蓋。得汗出勻遍。約半箇時辰。徹去炒麩。止。就鋪褥中卧。待一兩時辰。以米。覺汗稍解。再用收陽粉。撲傳汗孔畢。然後出鋪卧中。勿見風。

淋瀝烏頭散。治一切頑痺不仁。及筋骨疼痛。攣急。

澤烏頭 生用不去皮

木鱉子 去殼

白芥子

鱉甲 去裙襴各一两

杏仁 生用 不去皮 一伯箇

右為麋末。都作一次。用水三大椀。煎數沸。去滓。乘熱淋。漉。患處冷。即

再煖熱。依前淋。漉。三五遍。其藥無力不用。

柳森可用。方大風引湯。治痺滿上氣。遍身脹。膝痛。去風濕痛。

大豆 三升

附子 三兩

枳實

澤瀉

陳皮 三味各四兩

甘草

茯苓

防風 三味各二兩

右為麋末。酒二斗。水二斗。煮大豆取一斗。內藥。煮取三升。分三服。三

劑。腫消。去豆。澤瀉。更服三劑。

趙素風科集驗細辛湯。治諸痺。

細辛 去苗

枳實 麩炒去穰

白朮 去蘆

瓜蒌

乾薑 各三兩 炮

桂心

赤茯苓 各五兩 去皮

甘草 二兩 炙

右為細末。每服三錢。溫酒調下。日進二服。不拘時候。

蒼耳散 治諸風百痺

蒼耳葉 五月初五日午時摘。不拘多少。洗淨。暴乾。

右為末。以酒調服方寸匕。日三。夜一服。若吐逆。煉蜜為丸服之。風輕則易治。若身體有風處。皆如粟顆。或如麻豆大。此為風毒氣出也。以針刺潰之。出黃汁乃止。量病輕重服之。此藥能辟百惡。舉家可服。殺蟲痔。進食。七月七日。九月九日。亦可修合。

善應膏。治諸寒痺。骨節酸痛。並宜服之。

兩頭尖

浮萍草

良薑 各二兩

芸薹子

川烏 各一兩炮去皮臍

當歸 半兩去蘆乳香另研

沒藥 各少許另研

右為細末。醋糊調成膏。貼於患處。

芸薹子散

芸薹子

白芥子 各二兩 陳皮 去白一兩

右為細末。釀醋調成膏。敷貼患處。數次。覺熱便去其藥。疼痛即止。大有成效。

有功效

危亦林得効方。烏頭湯。治寒冷濕痺。流於經絡。攣縮不得轉側。

大烏頭

細辛

川椒

甘草

秦艽

附子

官桂

白芍藥 各七分

川獨活 一兩三錢半

右剉散。每服三錢。水一盞半。棗二枚。同煎至八分。去滓。空心食前服。

三痺湯。治血氣凝滯。手足拘攣。療風痺。氣痺等疾。

川續斷

杜仲 去皮切薑汁炒

防風

桂心

華陰細辛

人參

白茯苓

當歸

白芍藥

甘草 各一兩

秦艽

生地黄

川芎

川獨活 各半兩 黃耆

川牛膝 各一兩

右剉散。每服五錢。水二盞。薑三片。棗一枚。煎至一盞。去渣。熱服。不拘

時。但腹稍空服。

袁當時大方魯公酒。治諸痺。諸風。風眩。心亂。耳目聾暗。淚出。鼻不聞香。臭

口爛。生瘡。風腫。癩癧。喉下生瘡。煩熱。厥逆。上氣。胸脇肩膊痛。手痠。不自帶

衣。腰脊不能俛仰。脚痠不仁。難以久立。八風十二痺。五緩六急。半身不遂。

四肢偏枯。筋攣不可屈伸。賊風咽喉閉塞。哽哽不利。或如錐刀所刺。行皮

膚中。無有常處。久久不治。入人五臟中。或在心下。或在膏肓。遊走四肢。偏

有冷處。如風所吹。或覺肌膚不仁。尻以代踵。脊以代頭。名曰痺病。及一應



久寒積聚風濕五勞七傷虛損百疾並皆治之

山芋 躑躅花 烏頭各五分 茵芋

天雄生 防己 石斛各四分 細辛

栢子仁 牛膝 山茱萸 甘草炒

通草 秦艽 黃耆 附子生

瞿麥 杜仲炒去絲 天門冬去心 澤瀉

石楠葉 防風去叉 遠志去心 熟地黄

乾薑炮 桂心三兩

右件為粗末酒五十大盞漬之十日每服一盞加至四盞可為末服亦可為丸酒下

沉香天麻煎治風氣不順骨痛或生赤點癰疹熱腫久久不治則如痺筋骨緩弱

五靈脂 赤小豆 附子 白朮各四兩

天麻二兩 玄參 乾蝎去毒 羌活

防風各一兩 地榆一兩 沉香一兩酒一升煎成膏

右以沉香膏和丸如梧桐子大荆芥酒服二十九春末夏初愛生赤

根白頭瘡。加當歸僵蠶各半兩。尤宜服之。

心痺

論

素問四時刺逆從論。陽明有餘。病脉痺。身時熱不足。病心痺。靈樞邪氣篇。府病形篇。心脉微大爲心痺。引背善淚出。巢元方病源。思慮煩多則損心。心虛故邪乘之。邪積而不去。則時害飲食。心中幅幅如滿。蘊蘊而痛。是謂之心痺。

脉

素問五藏生成篇。赤脉之至也。喘而堅。診曰。有積氣在中。時害於食。名曰心痺。王叔和經脉。夫脉當取太過與不及。陽微陰弦。則脊痺而痛。所以然者。責其極虛也。今陽虛。知在上焦。所以脊痺。心痛者。以其脉陰弦故也。脊痺之病。喘息欬唾。脊背痛。短氣。寸口脉沈而遲。關上小緊數者。枯樓薤白白酒湯主之。巢元方病源。診其脉沉而弦者。心痺之候也。

方

葛洪肘後備急方。治心痺。心痛。蜀椒一兩。熬令黃末之。以狗心血丸之。如梧桐子大。每服五丸。生薑湯下。日五服。

太平聖惠方治心痺。心中幅塞而痛。不能下食。木香散。

木香 三分  
青橘皮 三分湯浸去白瓤焙  
半夏 三分湯洗七

徧去滑  
枳殼 三分麩炒微黃去瓤  
訶梨勒皮 一兩

桂心 三分  
前胡 一兩去蘆頭  
五味子 三分

右件藥搗篩為散。每服三錢。以水一中盞入生薑半分。煎至六分。去滓。不計時候。稍熱服。

治心痺。脊中滿塞。心中微痛。煩悶不能食。赤茯苓湯。

赤茯苓 三分  
人參 三分去蘆頭  
半夏 三分湯洗七

遍去滑  
柴胡 三分去苗  
前胡 三分去蘆頭

甘草 一分炙微赤剉  
桂心 三分  
薤仁 三分湯浸去

皮尖雙人麩炒微黃

右件藥。搗篩為散。每服三錢。以水一中盞。入生薑半分。棗三枚。煎至

六分。去滓。不計時候。稍熱服。

治心痺。滿急刺痛。不可俛仰。氣促。欬唾不利。宜服此方。

前胡 三分去蘆頭  
木香 三分  
五味子 三分

赤芍藥 三分  
桔梗 三分去蘆頭  
當歸 三分

檳榔三分

青橘皮半兩湯浸去白瓢焙

右件藥搗篩為散每服三錢以水一中盞入生薑半分煎至六分去

滓不計時候稍熱服

治心痺脊中氣堅急心微痛氣短促欬唾亦痛不能食方

枳實三分麩炒微黃

青橘皮一兩湯浸去白瓢焙

桂心三分

細辛二分

桔梗三分去蘆頭

右件藥搗篩為散每服三錢以水一中盞入生薑半分煎至六分去

滓不計時候溫服

治心氣虛損邪冷所乘脊膈否塞心中痺痛食飲不得青橘皮丸

青橘皮一兩湯浸去白瓢焙

桂心一兩

當歸三分

細辛半兩

訶黎勒皮一兩

吳茱萸半兩湯浸七遍焙乾微炒

白朮三分

赤茯苓三分

枳殼半兩麩炒微黃去瓢

蘿蔔子半兩微炒

木香三分

蓬莪朮三分

檳榔三分

右件藥搗羅為末煉蜜和搗三二百杵丸如梧桐子大每服以溫酒

下三十九日三四服

肝痺

論

素問玉機真藏論肺傳之肝病名曰肝痺一名曰厥脇痛出食四時刺逆從論少陽有餘病筋痺脇滿不足病肝痺聖濟總錄論曰內經謂風寒濕三氣雜至合而為痺又曰以春遇此者為筋痺又曰筋痺不已復感於邪內舍於肝蓋五臟皆有合病久而不去者內舍於其合肝之合筋也故筋痺不已復感於邪則舍於肝也其證夜卧則驚多飲小便數上為引懷者是也

脉

素問五藏生成篇青脉之至也長而左右彈有積氣在心下支胛名曰肝痺得之寒濕與疝同法腰痛足清頭脉緊靈樞邪氣藏府病形篇肝脉微大為肝痺陰縮欬引少腹

聖濟總錄茯神湯治心痺神思昏塞四肢不利胸中煩悶時復恐悸

茯神去木

羌活去蘆頭

龍齒

麥門冬去心焙

麻黃去根節各一兩

蔓荊實

人參

薏苡仁

防風去叉

遠志去心

犀角屑各三分

赤芍藥

甘草 微炙各半兩

右一十三味。麤搗篩。每服三錢匕。水一盞。生薑五片。同煎至七分去

滓。溫服。不計時候。

治心痺。秦芫湯。邪氣乘虛。恍惚不樂。身體強直。面目變色。

秦芫 去苗土

菖蒲

桂 去麁皮

當歸 切焙

蔓荊實

人參

附子 炮裂去皮臍

黃芩 去黑心

甘草 炙

遠志 去心

防風 去叉各半兩

龍骨

赤石脂

白茯苓 去黑皮

白芍藥

芍藥

防己 各三分

右一十七味。剉如麻豆。每服三錢匕。水一盞。同煎至七分。去滓。溫服。

不計時候。

犀角散。治心痺。精神恍惚。恐畏悶亂。不得睡卧。志氣不定。言語錯誤。

犀角屑

牛黃 別研

麝香 別研

羚羊角屑 各一兩

丹砂 別研半兩

防風

天麻

獨活 去蘆頭

人參

茯神 去木

沙參 去蘆頭

天竺黃 別研

升麻

龍齒 各一分

麥門冬 去心焙半兩

白鮮皮一分 遠志去心一分 龍腦別研半分 甘草微炙一分

右一十九味。除別研者外。搗羅為散。同研藥一處拌勻。再研細。每服

二錢匕。煎麥門冬湯調下。不計時候。

薏苡仁湯。治肝痺。筋脉不利。拘攣急痛。夜卧多驚。上氣煩滿方。

薏苡仁 羌活去蘆頭 蔓荊實 荆芥穗各二兩

白朮 木瓜去核 防風去叉 牛膝酒浸切焙

甘草炙各一兩

右九味。剉如麻豆。每服五錢匕。水一盞半。入生薑五片。煎至一盞。去

滓。稍熱服。

人參散。治肝痺。氣逆。胃脇引痛。眠卧多驚。筋脉攣急。鎮肝去邪方。

人參二兩 酸棗人微炒 杜仲去皮剉微炒

黃耆蜜炙剉 茯神去木各一兩 五味子

羌活去蘆頭 丹砂飛研 芎藭 細辛去苗葉

秦艽去苗土 熟乾地黃各半兩

右一十二味。除丹砂外。同搗羅為散。入丹砂研勻。每服一錢匕。溫酒

調下。不拘時候。日三。

草薺丸。治肝痺。緩筋脉。去邪毒。調榮衛。

草薺 羌活去蘆頭 天麻酒浸一宿切焙各一兩

附子炮裂去皮臍半兩 沒藥研 乳香研各一分

右六味。將四味搗羅為末。入沒藥乳香同研勻。煉蜜和丸。如彈丸大。

每服一丸。空心溫酒化下。日再。

補肝湯。治肝痺。兩脇下滿。筋急。不得太息。疝瘕。四逆。搶心腹痛。目不明。

白茯苓去黑皮一兩二錢 烏頭四枚炮裂去皮臍

薏苡仁 獨活各一兩 附子兩枚炮裂去皮臍

栢子仁研 防風去叉 細辛去苗葉各二兩

山茱萸 桂去麤皮各三兩 甘草炙剉半兩

右一十一味。剉如麻豆。入研藥拌勻。每服五錢匕。水一盞半。大棗二

枚。擘破。同煎數沸。去滓。取一盞服。不計時候。

細辛湯。治肝虛氣痺。兩脇脹滿。筋脉拘不得喘息。四肢少力。眼目不明。

細辛去苗葉 防風去叉 白茯苓去黑皮 栢子仁研

桃仁湯浸去皮尖雙仁麩炒微黃 山茱萸

甘草炙剉各三分 蔓荆實 木瓜去核



枳殼去瓢麩炒各半兩

右一十二味。剉如麻豆。每服三錢匕。水一盞。大棗三枚擘破。同煎數

沸。去滓。取七分溫服。不計時候。

防風湯。治肝痺。頭目昏塞。四肢不利。胃膈虛煩。

防風去叉一兩 芎藭

黃耆剉

五味子

人參

茯神去木

活去蘆頭

羚羊角鎊屑

前胡去蘆頭各三分

細辛去苗葉

酸棗仁微炒

甘草炙各半兩

右一十二味。麋搗篩。每服三錢匕。水一盞。大棗三枚擘破。同煎取七分。去滓溫服。不計時候。

牛膝湯。治肝痺筋攣。肢體不隨方。

牛膝剉焙

防風去叉

丹參

前胡去蘆頭各二兩

石斛去根二兩半

杜仲去麋皮塗酥炙剉

秦艽去苗土

續斷各一兩半 陳橘皮湯洗去白焙一兩

大麻仁研一合

右一十味。除大麻仁外。麋搗篩。每服五錢匕。水一盞半。煎五七沸。別

下麻仁少許煎至一盞去滓空腹服日二  
茯神散治肝痺多驚悸神思不安方

茯神去木 酸棗仁微炒 黃耆剉 人參各一兩  
熟乾地黃焙 遠志去心 五味子各半兩 白茯苓去黑皮一兩

丹砂別研半兩

右九味除丹砂外搗羅爲散入丹砂末再研勻每服一錢匕以溫酒

調下不計時候

趙素風科集驗白欵散治肝痺腫痛筋脉展轉並宜服之

白欵半兩 附子一兩炮去皮臍

右爲細末每服半錢溫酒調下不拘時候日二夜一服之以熱行爲  
度若不覺者加至一錢服

脾痺

論

素問四時刺逆從論太陰有餘病肉痺寒中不足病脾痺聖濟總錄論曰  
風寒濕三氣雜至合而爲痺又曰以至陰遇此者爲肌痺肌痺不已復感  
於邪內舍於痺是爲脾痺其狀四肢懈惰發欬嘔汁上爲大塞經所謂諸

痺不已亦益肉者如此

方

聖濟總錄治脾痺肌肉消瘦心腹脹滿水穀不化食即欲嘔飲食無味四肢怠惰或時自利黃耆丸

黃耆剉

石斛去根

附子炮裂去皮臍

肉蓯蓉酒浸切焙

益智去皮

白朮

人參各一兩

桂去麋皮

厚朴去麋皮生薑汁炙各一兩半

訶梨勒煨去核二兩

五味子

當歸切焙

白豆蔻去皮

沉香剉

高良薑

枳實去穢炒各

三分

吳茱萸湯浸焙炒

丁香各半兩

右一十八味為細末。煮棗肉和搗五百杵。丸如梧桐子大。每服三十丸。食前溫酒下。

白朮湯治脾痺心腹脹滿不欲飲食食則氣滯體重四肢無力

白朮

人參

華澄茄各一兩

訶梨勒煨去核二兩

草豆蔻去皮

丁香

黃耆

附子炮裂去皮臍

白茯苓

麥蘗微炒

沉香

陳橘皮湯浸去白焙

木香各三分 枳實去瓢麩炒甘草炙各半兩

右一十五味。剉如麻豆。每服三錢匕。水一盞。生薑五片。棗二枚。擘破

煎至七分。去滓。溫服。不拘時。

黃耆酒。治脾痺。肉極虛寒。體重怠惰。四肢不欲舉動。關節疼痛。不嗜飲食。

黃耆 桂去麁皮 巴戟天去心 石斛去根

澤瀉 白茯苓去黑皮 栢子仁 乾薑炮

蜀椒去目并閉口炒出汗各三兩 防風去叉 獨活去蘆頭

人參各二兩 天雄炮裂去皮臍 芍藥 附子炮裂去皮臍

茵芋 烏頭炮裂去皮臍 半夏湯洗七遍去滑

細辛去苗葉 白朮 黃芩去黑心 稻樓根

山茱萸各一兩

右二十三味。以清酒三斗漬之。秋冬七日。春夏三日。初

服三合。漸加。之。以微麻木為効。日再

大半夏湯。治脾痺。四肢怠惰發欬。

半夏為末。生薑汁和作餅。暴乾伍兩 白朮

白茯苓去黑皮 人參 甘草炙 附子炮裂去皮臍

陳橘皮湯浸去白焙各二兩 桂去麤皮三兩  
右八味。剉如麻豆。每服五錢匕。水一盞半。生薑五片。煎至一盞。去滓

溫服。日三

麻黃湯治脾痺。四肢解惰。肉極肌熱方

麻黃去根節

枳實去瓢麩炒 防風去叉

白朮

細辛去苗葉各三兩

石膏碎八兩

附子炮裂去皮臍

四兩

甘草炙

桂去麤皮各二兩

右九味。剉如麻豆。每服五錢匕。水一盞半。生薑五片。煎至一盞。去滓

溫服。日三

治脾痺。四肢解惰。皮膚不通。外不得泄。風引湯

獨活去蘆頭四兩

當歸切焙

白茯苓去黑皮各

三兩

乾薑炮

甘草炙

人參

黃耆

防風去叉各二兩

桂去麤皮

附子炮裂去皮臍各一兩

大豆二升熬去皮

右一十一味。剉如麻豆。每服五錢匕。水一盞。酒半盞。煎一盞。去滓。溫服。日三。夜一

法麴丸治脾痺發欬嘔汁温中

法麴炒

吳茱萸

湯浸焙炒

小麥蘗微炒各五合

甘草炙

枳實去穢麩炒桂去廉皮

厚朴去廉皮薑汁炙

當歸切焙

白茯苓去黑皮各三兩

細辛去苗葉

乾薑炮

麥門冬去心焙人參

桔梗炒

附子炮裂去皮臍各一兩

右一十五味為細末煉蜜丸如梧桐子大每服七丸食前熟水下日三

肺痺

論

素問四時刺逆從論少陰有餘病皮痺隱疹不足病肺痺聖濟總錄論曰風寒濕三氣雜至合而為痺以秋遇此者為皮痺皮痺不已復感於邪內含於肺是為肺痺其候胷背痛甚上氣煩滿喘痺嘔是也治肺痺

脉

素問五藏生成篇曰脉之至也喘而浮上虛下實驚有積氣在胷中喘而虛名曰肺痺寒熱得之醉而使內也靈樞邪氣臟腑病形篇肺脉微大為肺痺引胷背起惡日光

聖濟總錄橘皮丸。上下否塞不能息

陳橘皮湯浸去白焙  
厚朴去蘆皮生薑汁炙  
桔梗剉炒  
枳實去瓢麩炒  
乾薑炮裂  
細辛去苗葉各三分

胡椒  
蜀椒去閉口及目炒汗出  
烏頭炮裂去皮尖  
各二兩  
萆撥二兩半  
人參  
桂去蘆皮

附子炮裂去皮臍  
防葵  
芎藭各一兩  
甘草炙  
當歸切焙各二兩  
白茯苓去黑皮  
前胡去蘆頭

白朮  
吳茱萸湯洗焙乾炒各一兩半  
大黃濕紙裹煨香  
熟半兩  
檳榔剉一兩  
葶藶隔紙炒一分

紫蘇子炒二兩  
右二十五味搗羅為末煉蜜丸梧桐子大每服十丸溫酒下。日三覺

有熱者空腹服之  
杏仁丸。治肺痺。復感風冷胸脇滿急

杏仁湯浸去皮尖雙仁微炒  
赤茯苓去黑皮  
防葵各二兩  
吳茱萸湯洗焙乾炒  
陳橘皮湯浸去白焙

桂去麤皮

防風去叉

澤瀉各一兩

白朮

射干

芍藥

紫蘇子微炒

桔梗剉炒

枳實去瓢麩炒微黃各一兩半

右一十四味搗羅為末。煉蜜丸。如梧桐子大。每服十丸。食前溫酒下。

漸加至三十丸。日再

當歸湯治肺痺。上氣閉塞。胸中脇下支滿。乍作乍止。不得飲食。唇乾口燥。

手足冷痛

當歸切焙

防風去叉

黃耆細剉各二兩

柴胡去苗八兩

細辛去苗葉

麻黃去根節煮一二沸掠去沫控乾

人參各一兩

杏仁去皮尖雙仁炒黃五十枚

桂去麤皮三兩

半夏

湯洗去滑七徧五兩

黃芩去黑心一兩

右一十一味。麤搗篩。每服四錢匕。水一盞。入生薑七片。棗二枚擘破。

同煎至六分。去滓溫服。不計時候。日三。夜二。

五味子湯治肺痺。上氣發欬

五味子三兩

紫蘇子炒八兩

麻黃去根節

細辛去苗葉

紫苑去苗土

黃芩去黑心

甘草炙各二兩

人參



當歸 焙各一兩半 夏 湯洗去滑七 徧三兩 杏仁 一兩 去皮尖

右一十一味 麤搗篩 每服四錢匕 水一盞 入生薑五片 同煎至六分 去滓 溫服 不計時候 上氣病 亦單煮紫蘇子 及生紫蘇葉 冬月煮乾 枝莖葉服

紫蘇子湯 治肺痺 胃心滿塞 上氣不下

紫蘇子 炒八兩半 夏 湯洗去滑七 徧五兩 陳橘皮 湯洗去白 焙

桂 去麤皮 各三兩 甘草 炙 人參

白朮 各二兩

右七味 麤搗篩 每服四錢匕 水一盞 入生薑五片 棗二枚 擘破 同煎 至六分 去滓 溫服 不計時候

腎痺

論

素問四時刺逆從論 太陽有餘 病骨痺 身重不足 病腎痺 聖濟總錄論曰 內經謂風寒濕三氣雜至 合而為痺 又曰 以冬遇此者 為骨痺 骨痺不已 復感於邪 內舍於腎 是為腎痺 其證善脹 尻以代踵 脊以代頭 蓋腎者胃之關 關閉不利 則胃氣不行 所以善脹 筋骨拘迫 故其下攣急 其上蹇屈

所以言代踵。代頭也。治驗。張杲醫說。齊王黃姬兄黃長卿家有酒。召客。召  
溥于意。諸客坐。未上食。意望見王后弟宋建。告曰。君有病。往四五日。君腰  
脅痛。不可俛仰。又不得小便。不亟治。病即入濡腎。及其未舍五臟。急治之。  
方今客腎濡。此所謂腎痺也。宋建曰。然。建故有腰脊痛。往四五日。天雨。黃  
氏諸倩。倩者。女婿也。見建家。京下方石。京者。倉廩之屬。即弄之。建亦欲效  
之。效之不能起。即復置之。暮。腰脊動不得溺。至今不愈。建病得之。好持重。  
所以知建病者。臣意見其色。太陽色乾。腎部上及界腰以下者。枯四分。所  
故以往四五日。知其發也。意即以柔湯。使服十八日。所以病愈。

脉

素問五臟生成篇。黑脉之至也。上堅而大。有積氣在小腹。與陰名曰腎痺。

方

聖濟總錄。遠志丸。治腎臟虛乏。久感寒濕。因而成痺。補損益氣。

遠志 去心

山芋

肉蓯蓉 去皴皮 酒浸 切焙

牛膝 去苗 酒浸 切焙 各一兩

石斛 去根

天雄 炮裂 去皮 臍

巴戟天 去心

人參

山茱萸

澤瀉

菟絲子 酒浸一宿 別搗

茯神 去木

覆盆子

續斷

生乾地黄 焙

桂 去麋皮

鹿茸 酒浸去毛

甘草 炙剉

附子 炮裂去皮臍

牡丹皮

白茯苓 去黑皮 五味子

杜仲 去麋皮 炙剉 各一兩

蛇牀子

楮實 微炒

黃耆 各一兩

右二十六味搗羅為末。煉蜜和搗數百下。丸如梧桐子大。每服空心溫酒下二十九。加至三十九。

防風丸。治腎臟虛冷。邪氣乘虛。身體冷痺。不仁。手足牽強。舉動艱難。或肌肉潤動。引腰脊及左右偏。及不能飲食。或因房室發動。

防風 去叉

白茯苓 去黑皮

細辛 去苗葉

白朮

附子 炮裂去皮臍

桂 去麋皮

澤瀉 各半兩

甘草 炙剉

紫苑 去苗

芍藥

牛膝 去苗 酒浸切焙

栝樓根 各三分 山茱萸

熟乾地黄 焙

半夏 湯浸七遍去

滑焙

獨活 去蘆頭

山芋 各一分

黃耆 三兩剉

右一十八味。搗羅為末。煉蜜為丸。如梧桐子大。每日空腹溫酒下十

丸。日再服。未差。更加丸數。此藥宜久服。

茵芋散。治腎臟中風濕。腰痛。脚漆偏枯。皮膚癢痺。語聲寒澀。兩耳虛鳴。舉

體乏力。面無顏色。志意不樂。骨節痠疼。

茵芋去莖

杜仲去蘆皮炙剉

石南

石龍芮

羊躑躅微炒

麝香研

狗脊去毛

當歸剉炒

乾蠍微炒

桑螵蛸微炒

菖蒲各半兩

赤箭

獨活去蘆頭

附子炮裂去皮臍

天雄炮裂去皮臍

甘菊花

牛膝去苗酒浸切焙

木香

麻黃去根節煮掠去沫焙

芎藭各三分

草薢剉一兩

右二十一味。搗羅為散。每服二錢匕。食前溫酒調下。日再服。白附子丸。治腎臟中風。脚膝麻痺。腰背強直。疼痛。言語不利。面色萎黑。肌

體羸瘦

白附子炮裂

乾蠍微炒

防風去叉

天麻

天雄炮裂去皮臍

黃耆剉

草薢

獨活去蘆頭

丹參

當歸剉炒

海桐皮剉

肉蓯蓉去皴皮酒一宿焙

補骨脂

仙靈脾各三分

白花蛇酒浸去皮骨炙

桂去蘆皮

安息香

牛膝去苗酒浸切焙各一兩 雄黃研水飛過麝香研各半兩

右二十味搗羅為末煉蜜和搗三五百下丸如梧桐子大每服三十

丸空心溫酒下日再服

石龍芮湯治腎經虛外邪雜至脚膝緩弱腰脊不可轉側日加疼痺

石龍芮 獨活去蘆頭 防風去叉 茯神去木

杜仲去蘆皮炙剉 草薺 丹參

羌活去蘆頭 五味子 細辛去苗葉 牛膝酒浸切焙

當歸剉炒 人參各三分 天雄炮裂去皮臍

麻黃去根節煎掠去沫焙 桂去蘆皮各一兩

枳殼去瓤麩炒半兩

右一十七味剉如麻豆每服四錢匕水一盞入生薑五片同煎至六分去滓溫服不計時候

麻黃湯治腎虛中風濕腰脚緩弱頑痺不仁顏色蒼黑語音渾濁志意不定頭目昏腰背強痛四肢拘急體重無力

麻黃去根節煎掠去沫焙 羌活去蘆頭 桂去蘆皮

附子炮裂去皮臍 側子炮裂去皮臍各一兩

防己

當歸剉炒

海桐皮

牛膝酒浸切焙

甘菊花

羚羊角鑄

茵芋去莖

五加皮各三分

甘草

炙剉半兩防風去叉

白朮各三兩

右一十六味剉如麻豆每服四錢匕水一盞入生薑五片同煎至七

分去滓溫服不計時候

牛膝酒治腎氣虛冷復感寒濕為痺

牛膝

秦艽去苗土

芎藭

防風去叉

桂去麋皮

獨活去蘆頭

丹參

白茯苓去黑皮各

二兩

杜仲去麋皮剉炒

附子炮裂去皮臍

石斛去根

麥門冬去心

乾薑炮

地骨皮各一兩半

五加皮五兩

薏苡仁一兩

大麻仁炒半兩

右一十七味剉切如麻豆以生絹袋盛酒一斗浸春夏三日秋冬五

日每服半盞空心溫服日再

# 永樂大典卷之一萬三千八百七十七

永樂大典卷之一萬三千八百七十八 三未

痺

諸痺證治二

痛痺

論

靈樞陰陽二十五人篇。切循其經絡之凝滯結而不通者。在於身皆為痛痺。甚則不行。故凝滯凝滯者。致氣以溫之。血和乃止。聖濟總錄論曰。寒氣勝者為痛痺。夫宜通而塞。則為痛痺。之有痛。以寒氣入經而稽遲。泣而不行也。痛本於寒氣偏勝。寒氣偏勝。則陽氣少。陰氣多。與病相益。治宜通引榮衛。溫潤經絡。血氣得溫。則宣流自無壅闕矣。

脉

靈樞邪客篇。脉大以濇者為痛痺。禁服篇。寸口緊則痛痺。入迎緊則為痛痺。

方

聖濟總錄。茯苓湯。治風濕痺。四肢疼痺。拘攣。膝腫。

赤茯苓去黑皮桑根白皮各二兩

桂去麤皮芎藭 芍藥

防已 麻黃去根節各一兩半

右八味。麤搗篩。每服五錢匕。水一盞半。棗一枚去核煎取一盞。去滓。溫服。連三服。後以熱薑粥投之。汗出為度。劉守真宣明論方。有防風。

無防已。駱龍吉。有甘草二兩。無芎藭一味。

天雄丸。治風濕痺。皮肉不仁。骨髓疼痛。不可忍者。

天雄炮裂去皮臍 附子炮裂去皮臍各一兩  
桂去麤皮一兩半 乾薑炮三兩 防風去義三兩

右五味。為細末。煉蜜丸如梧桐子大。每服二十九。溫酒下。日三夜一。去毒丸。治風濕痺。腰脚疼痛。不可忍。久不差者。

天雄炮裂去皮臍 附子炮裂去皮臍  
桂去麤皮各一兩 白僵蠶直者炒三兩

防風去義三分

右五味。為細末。煉蜜丸如梧桐子大。每服二十九。溫酒下。日三夜一。

當歸摩膏。治諸風寒濕。骨肉痺痛。

當歸切焙 細辛去苗葉各一兩半 桂去麤皮一兩



生地黄一斤切研絞取汁 天雄十枚去皮臍生用

乾薑炮三分 白芷三分留一塊不到全用 芎藭半兩

丹砂研一兩 烏頭去皮臍生用一兩三分 松脂四兩

豬脂五斤別煉去滓

右一十二味先將八味剉如大豆粒以地黄汁浸一宿與豬脂松脂同慢火煎候前留者一塊白芷黃色以厚綿濾去滓瓷合盛入丹砂末不住攪至凝即止每用藥用火灸手摩病處千徧

茵芋浸酒治風寒濕痺皮肉不仁骨髓疼痛不可忍方

茵芋去蘆莖 草薺 蜀椒去目并閉口炒出汗

狗脊去毛 桂去蘆皮 附子炮裂去皮臍各一兩

牛膝去苗酒浸切焙 石斛去根 生薑各一兩

右九味。以生絹袋貯以酒一斗浸經三兩宿。每服一盞。或二盞。溫服。服盡酒一半更可添新酒浸之。覺藥味淡。即再合。

著痺

論

素問痺論篇。濕氣勝者為著痺。聖濟總錄論曰。內經謂濕氣勝者為著痺。

地之濕氣感則害人。皮肉筋脉盖濕土也。土性重緩。榮衛之氣與濕俱留。所以濕勝則著而不移也。其證多汗而濡者。以陰其盛也。治宜除寒濕。通行經絡則差。

方

聖濟總錄石斛散。治寒濕痺著而不散。四肢不仁。脚弱拘攣。或疼痛不能行。跌踵上膝。少腹堅。不欲食。

石斛 去根二兩 天門冬 去心一兩半 炒剉 附子 炮裂去皮臍三分

獨活 去蘆頭三分 桂 去蘆皮半兩 桔梗 炒

蜀椒 去目及閉口 炒出汗 細辛 去苗葉各半兩

麻黃 去根節三分 山茱萸 五味子

白芷 各半兩 前胡 去蘆頭 秦艽 去土各三分

烏頭 炮裂去皮臍 人參 天雄 炮裂去皮臍

各半兩 當歸 切焙 防風 去叉 莽草 微炙各三分

白朮 半兩 杜仲 去蘆皮炙剉三分 乾薑 炮半兩

右二十三味。搗羅為散。每服二錢匕。溫酒調下。未知稍稍加之。不拘時候。

側子湯治寒濕痺。留著不去。皮膚不仁。手足無力。

側子炮去皮臍 五加皮各一兩 磁石煨醋焯七遍

羚羊角 鎊 防風 去叉 薏苡仁 麻黃 去根節

杏仁湯浸去皮尖 雙仁 麩炒各一兩 甘菊花

防己 葛根 赤芍藥 芍藥

秦艽 去苗土 甘草 炙各半兩

右一十五味。剉如麻豆。每服三錢匕。水一盞。煎七分。去滓。溫服。不計

時候

附子丸治寒濕痺。留著不去。四肢緩弱。皮膚不仁。精神昏塞。

附子炮裂去皮臍一兩 莽草微炙半兩 白花蛇酒浸去皮

骨炙二兩 天南星炮三分 烏頭炮裂去皮臍半兩

天麻三分 乾蠍炒半兩 桂去廉皮三分 防風去叉半兩

薏苡仁 楓香脂各一兩 芍藥三分 草薢一兩

仙靈脾一兩 羌活去蘆頭三分

右一十五味。搗羅為末。以糯米粥和搗數百杵。丸菉豆大。每服十丸。荊芥湯。或溫酒吞下。不拘時。

天雄浸酒。治寒濕著痺。皮肉不仁。至骨髓疼痛者。

天雄 炮裂去皮臍

附子 炮裂去皮臍 各一兩

防風 去叉

獨活 去蘆頭

當歸 切焙

白朮 各二兩

五加皮

芍藥

桂 去蘆皮

乾薑 炮 各一兩半

右一十味。剉如麻豆。以夾絹囊盛。用無灰清酒一斗浸。春夏五日。秋冬七日。每溫飲一盞。任性加減。以知為度。

白花蛇丸。治寒濕著痺。皮膚不仁。或肢節疼痛。

白花蛇 酒浸去皮骨炙

仙靈脾

乾蠍 炒 各一兩

茵芋

烏頭 炮裂去皮臍

天南星 炮 各半兩

天雄 炮裂去皮臍

天麻

桂 去蘆皮

麻黃 去根節

鹿角 鎊

草薢 各一兩

桑螵蛸 炒 半兩

雄黃 研

麝香 研 各一分

右一十五味。搗研為末。拌和令勻。別用天麻末三兩。以無灰酒一大椀。慢火熬成膏。和前藥末更搗五七百杵。丸梧桐子大。每服薄荷酒

下二十九。不拘時。

茯苓湯。治風濕痺。留著不去。四肢痺麻。拘攣浮腫。

赤茯苓去黑皮 桑根白皮各二兩 防已  
桂去蘆皮 芎藭各一兩半 甘草炙三兩 芍藥

當歸切焙 麻黃去根節先煮掠去沫焙乾各一兩半

右九味。蘆搗篩。每服六錢匕。以水二盞。棗三枚擘破。同煎去滓。取一盞。溫服。空心臨卧時。如欲出汗。服藥了。以生薑熱粥投之。汗出慎外風。宣明方。無防已。有防風。

乾蠍散。治寒濕痺。留著不去。四肢不仁。

乾蠍炒 側子炮裂去皮臍 獨活去蘆頭

桑螵蛸炒各一兩 躑躅花醋拌炒 天南星炮各半兩

草薺剉 天麻 桂去蘆皮各一兩

右九味。搗羅為散。每服一錢匕。溫酒下。不拘時。側子浸酒。治寒濕著痺。四肢皮膚不仁。以至脚弱不能行。

側子炮裂去皮臍 牛膝去苗 丹參去苗土

山茱萸 杜仲去蘆皮 石斛去根 蒟藿根各二兩

防風去叉 蜀椒去合口并目炒出汗 細辛去苗葉

獨活去蘆頭 秦艽去苗土 桂去蘆皮 芎藭

當歸切焙

白朮

茵芋去麤莖各一兩半

乾薑炮一兩

五加皮二兩半 薏苡仁炒半升

右二十味。細剉如麻豆。以夾生絹囊盛貯。清酒二斗。春夏浸三日。秋冬五日。初服溫半盞。日再。未。知。稍。加。服。

摩風膏。治風濕著痺。服藥雖多。肌肉猶痛痺。摩之。

防風去叉

羌活去蘆頭

芎藭

細辛去苗葉

蜀椒

去目并閉口者炒出汗

當歸

躑躅花各半兩

白欬

白及

丹參

苦參

黑參

桂去蘆皮

附子去皮臍

烏頭去皮臍

皂莢

去皮

莽草各一分

杏仁去皮尖并雙人半兩

右一十八味。細剉如麻豆。以米醋二升拌勻。浸三宿。熬乾。同臘月豬脂二斤。以文武火煎一日。綿濾去滓。瓷瓶貯。每用少許。點摩痛痺處。

兼治一切風毒。其膏年歲深久者尤佳。

龍虎膏。治風濕著痺。肌肉痛厚。不知痛痒方。

龍骨二兩

虎骨三兩酥塗炙

當歸切焙

桂去蘆皮各一兩

皂莢半斤肥者去子

行痺

論

右五味搗羅為末。先別用好肥皂莢十挺。以苦酒三升。按取汁去滓。入鐺中煎減半。即入前藥同煎稀餒。入瓷合盛。每用少許指摩痺痺處。素問痺論篇。其風氣勝者為行痺。聖濟總錄論曰。內經謂風寒濕三氣雜至。合而為痺。其風氣勝者為行痺。夫氣之在人本自流通。所以痺者。風寒濕三氣合而為病。然三氣之中各有陰陽。風為陽氣。善行數變。故風氣勝則為行痺。其證上下左右無所留止。隨其所至。氣血不通是也。治法。雖通行血氣。宜多以治風之劑。

方

聖濟總錄防風湯。治行痺。行走無定方。

防風 去叉

甘草 炙剉各一兩

黃芩 去黑心三分

當歸 切焙

赤茯苓 去黑皮各一兩

秦艽 去苗土

葛根 剉各三分

桂 去麋皮

杏仁 湯去皮尖雙仁炒各一兩

麻黃 去根節煎掠去沫焙半兩

右一十味。麋搗篩。每服五錢匕。酒一盞。水一盞。棗三枚擘破。生薑五

片同煎至一盞去滓溫服。日二夜一。風科集驗方云。一方加杏仁桂心。依本方加半兩。

羚羊角丸。治行痺。頭面四肢龍著。筋脉攣急。手足不隨。疾涎膠黏。語澀昏濁。口眼偏喎。

羚羊角 鎊一兩 木香

青橘皮 湯浸去白焙

半夏 湯洗同生薑搗麴焙乾

羌活 去蘆頭 獨活 去蘆頭

芎藭

藿香葉

乾蠍 去土炒

白花蛇 酒炙去皮骨

白附子 炮

天麻 酒浸切焙 各半兩

檳榔 剉

丹砂 研各一兩 麝香 研

牛黃 研

龍腦 研各一兩

右一十七味。除研藥外。為細末。再和勻。用皂莢薄荷鵝梨汁各一椀。同熬成膏。和丸。如菉豆大。每服七丸。溫酒或薄荷湯下。不計時服。草薺丸。治風痺。行走無定處。亦治血痺。

草薺

山芋

牛膝 去苗酒浸焙乾

澤瀉 各一兩

生乾地黃 焙二兩半

白朮 半兩

茵芋

蟻螬 微炒

乾膝 炒煙出

狗脊 去毛

車前子

天雄 炮裂去皮臍 各一分



右一十二味。為細末。煉蜜丸。梧桐子大。每服溫酒下二十丸。加至三十丸。日三。

趙素風科集驗方玄參湯。治風寒濕三氣合而成痺。常汗惡風。目瞶而動。走注四肢。皮膚不仁。屈伸不便。是厥陰風木之所致也。

玄參 去蘆

地骨皮 各一兩 升麻

前胡 各一兩半 去蘆

酸棗仁 二錢

羚羊角屑 二兩

皮痺 右為呔咀。每服五錢。水二盞。煎至一盞半。去滓。食後溫服。日進二服。

論

素問四時刺逆從論。少陰有餘。病皮痺。聖濟總錄論曰。風寒濕三氣雜至。合而為痺。以秋遇此者為皮痺。蓋肺主皮毛。於五行為金。於四時為秋。當秋之時。感於三氣。則為皮痺。蓋正言其時之所感者爾。固有非秋時而得之者。皮膚不榮。而為不仁。則其證然也。

方

聖濟總錄防風湯。治肺中風寒濕。項強頭昏。胃滿短氣。噓吸顫掉。言語聲嘶。四肢緩弱。皮膚癢痺。

防風去叉

芎藭

麻黃去根節各一兩

獨活去蘆頭

桂去蘆皮

前胡去蘆頭

五味子

附子炮裂去皮臍

杏仁湯浸去皮尖雙仁麩炒

人參

茯神去木炙三分

細辛去苗葉

甘菊花

黃耆

山茱萸

甘草炙剉各半兩

右一十六味剉如麻豆。每服四錢匕。水一盞半。生薑五片。煎至八分。

去滓稍熱服。不拘時。

赤箭丸。治肺感外邪。皮膚癢痺。項強背痛。四肢緩弱。胃味昏塞。心胃短氣。

赤箭

羌活去蘆頭

細辛去苗葉

桂去蘆皮

當歸剉炒

甘菊花

防風去叉

天雄炮裂去皮臍

麻黃去根節

蔓荊實去皮

白朮

杏仁湯浸去皮尖

雙仁炒研

草薢剉

茯神去木

山茱萸

羚羊角鎊

芎藭

犀角鎊

五加皮剉

五味子

阿膠炙令燥

人參

楓香脂研

天南星炮

白附子炮各半兩

龍腦研

牛黃研各一錢麝香研一錢

右二十八味。搗羅二十三味。極細與研者五味拌勻。煉蜜和搗三二百杵。丸如梧桐子大。每服十五丸。荆芥湯下。不拘時。

羗活湯。治皮痺。皮中如蟲行。腹脅脹滿。大腸不利。語聲不出。

羗活去蘆頭 蒺藜子炒去角 沙參 丹參

麻黃去根節 白朮 羚羊角鎊 細辛去苗葉

草薺 五加皮 五味子 生乾地黃焙

赤茯苓去黑皮 杏仁湯浸去皮尖雙仁炒 菖蒲去毛

枳殼去瓢麩炒 郁李仁湯浸去皮尖炒 附子炮裂去皮臍

桂去麋皮各三分 木通 檳榔各半兩

右二十一味。剉如麻豆。每服四錢匕。水一盞半。生薑五片。煎至七分。

去滓溫服。不拘時。

天麻散。治皮痺。肌肉不仁。心胃氣促。項背鞭強。

天麻 附子炮裂去皮臍 麻黃去根節

白花蛇肉酥拌炒 防風去叉 細辛去苗葉

芎藭 菖蒲 荆芥穗 黃耆剉

桑根白皮剉 蒺藜子炒去角 杏仁湯浸去皮尖雙仁炒研各三分

牛黃 研

麝香 研各一分

右一十五味。搗羅十二味為散。與研者三味拌勻。再羅。每服一錢匕。

薄荷酒調下。不拘時。

蒴藿蒸湯治皮痺方

蒴藿根并葉

桃皮并葉

菖蒲葉各剉三升

細糠一斗

秫米五升

右五味。以水一石五斗。煮取米熟為度。以大盆盛。作小竹牀子。罩盆。人坐牀上。四面將蓆薦障風。別以被衣蓋覆身上。覺氣急。即旋開孔。取氣如兩食久。通身汗出。凡經三蒸。非惟治風寒濕痺。但是皮膚中一切冷氣。皆能去之。

麻黃湯治風寒濕之氣。感於肺經。皮膚癢痺不仁。

麻黃去根節

桂去蘘皮

人參

芍藥

附子炮裂去皮臍

防風去叉

芍藥

黃芩去黑心 白朮

甘草炙剉各一兩

茯苓去黑皮三分

右一十一味。剉如麻豆。每服五錢匕。水一盞半。入生薑五片。煎至一

蓋。去滓稍熱服。蓋覆出汗愈。  
蔓荊實丸。治皮痺不仁。

蔓荊實 去浮皮三分

桔梗 炒

白附子 炮

防風 去叉

羌活 去蘆頭

枳殼

去瓢麩炒 蒺藜 炒去角各半兩

皂莢

半斤。不艸者新水浸一宿揉。熟絹濾去滓。入麪少許同煎成膏。

右八味搗羅七味為末。入膏中和搗丸。如梧桐子大。每服二十九。食

後熟水下

天麻丸 治皮膚癢痺

天麻

酒浸切焙二兩

玄參

沒藥 研

地榆

烏頭 炮裂去皮臍各一兩

麝香 研一分

右六味搗羅四味為末。與二味研者和勻。煉蜜丸。如梧子大。每服二十丸。空心食前。溫酒下。

素當時大方大露宿丸。治氣極虛寒。皮痺不已。內含於肺。寒氣入客於六腑。腹脹虛滿。寒冷百病。

礞石

乾薑 炮

桂心

皂莢 炙黃

桔梗 炒

附子 生去皮臍

右等分為細末。煉蜜丸如梧桐子大。酒服先只十九。日三。漸加。慎熱物及近火。

### 肌痺

論

素問痿論篇。大經空虚。發為肌痺。聖濟總錄論曰。風寒濕三氣雜至。合而為痺。以至陰遇此者。則為肌痺。其狀皮膚弗營。肌肉癢厚而不仁。是也。

方

聖濟總錄治肌肉癢痺。肢體怠惰。緩弱。惡風頭疼。舌本強。言語蹇澀。天麻丸方

天麻

獨活 去蘆頭各一兩

人參

防風 去叉各三分

附子 炮裂去皮臍

桂 去蘆皮

麻黃 去根節各一兩

細辛 去苗葉

當歸 切焙

白朮

羚羊角 鎊屑

芎藭

薏苡仁

乾蠍 去土微炒  
牛膝 去苗酒浸焙

茯神 去木

天南星 別醋拌炒令黃

白僵蠶 微炒各三分

牛黃 研

麝香 研各一分  
烏蛇肉 酒浸去骨酥炒令黃一兩

丹砂 別研半兩 龍腦 別研一分

右二十三味。除四味別研外。搗羅為末。入所研藥。拌勻。再羅。煉蜜和。

杵三五百下。丸如梧桐子大。每服溫酒下十丸。至十五丸。不拘時服。

麻黃湯。治肌痺。淫淫如鼠走。四體津液脫。腠理開。汗大泄。為脾風。風氣藏。

於皮膚。肉色敗。鼻見黃色。止汗。通肉。解痺。

麻黃 去根節煎掠去沫焙乾 枳實 去瓢麩炒微黃

細辛 去苗葉 白朮 防風 去叉各三兩

附子 炮裂去皮臍四兩 甘草 炙剉二兩 桂 去麋皮二兩

石膏 碎搗兩 當歸 切焙 芍藥 各二兩

右一十一味。剉如麻豆。每服五錢匕。水一盞半。入生薑半分。切煎至。

一盞。去滓溫服。不拘時候。

西州續命湯。治肌痺。津液開泄。時復不仁。或四肢急痛。

麻黃 去根節煎掠去沫焙乾 當歸 切焙 石膏 碎各二兩

芍藥 桂 去麋皮 甘草 炙 黃芩 去黑心

防風 去叉 芍藥 各一兩 杏仁 湯浸去皮尖雙仁炒四十枚

右一十味。麋搗篩。每服四錢匕。水一盞。入生薑一棗大。切煎至六分。

去滓温服不拘時候

細辛湯治肌痺淫淫如蟲行或腠理開踈汗出皮膚肉色不澤唇鼻黃

細辛 去苗葉

防風 去叉

白朮

附子 炮裂去皮臍

桂 去廉皮各一兩

石膏 碎

麻黃 去根節煎掠

去沫焙乾各二兩

枳實 去瓢麩炒微黃

甘草 炙剉各半兩

黃耆

當歸 切焙各一兩

右一十一味剉如麻豆每服四錢匕水一盞入生薑五片煎至七分去滓温服不計時候

### 脉痺

#### 論

聖濟總錄論曰血性得温則宣流得寒則凝澀凝澀不行則皮毛萎悴肌肉痛痺內經謂風寒濕三氣雜至合而為痺又曰夏遇此者為脉痺痺則血凝不流可知也

#### 方

聖濟總錄導痺湯治脉痺血道壅澀

黃耆 剉四兩

當歸 切焙

人參

白茯苓 去黑皮



龍齒

遠志 去心

甘草 炙各三兩 桂 去麋皮

半夏 湯浸洗七遍 焙各五兩

枳實 去瓢 麩炒 桔梗 去蘆頭 剉炒

茯神 去木 各二兩

右一十二味。麋搗篩。每服先以水二盞。煮粳米半合。米熟去米。即入

藥五錢匕。生薑五片。大棗二枚。擘破。同煎數沸。去滓。取一盞。溫服。不

計時候

人參丸。治脉痺。通行血脉

人參

麥門冬 去心 焙 茯神 去木

龍齒

遠志 去心

黃耆 剉

菖蒲

赤石脂 各一兩

熟乾地黃 焙二兩

右九味。搗羅為末。煉蜜和搗三二百杵。丸梧桐子大。每服食後良久。

以清粥飲下三十丸

黃耆湯。治脉痺。身體不仁

黃耆 剉

芍藥

桂 去麋皮 各三兩

當歸 切焙

菖蒲

白茯苓 去黑皮 人參 各二兩

右七味。麋搗篩。每服五錢匕。水一盞半。生薑五片。大棗二枚。擘破。同

煎去滓。取一盞。溫服。不計時。

升麻湯。治脉痺。面頰脫色。脫空虛。口唇色赤。乾燥。消痺。蠲熱。潤悅顏色。

升麻 射干 芍藥 人參 各三兩

赤小豆 五合 生薑 二兩半 麥門冬 去心 焙 萎蕤 各四兩

生地黄 二兩半 甘草 炙 二兩 竹葉 切 一升

右一十一味。剉如麻豆。每服五錢匕。水一盞半。煎至一盞。去滓。溫服。

不計時。日三。

防風湯。治風濕。脉痺。皮膚不仁。

防風 去義 當歸 切 焙 秦艽 去苗土 赤茯苓 去黑皮

茵芋 去蘆莖 甘草 炙 杏仁 去皮尖 雙仁 麩炒

桂 去蘆皮 獨活 去蘆頭 各一兩

右九味。蘆搗篩。每服五錢匕。以酒水各半盞。入生薑半分。切。煎取八

分。去滓。溫服。不拘時候。

芍藥湯。治脉痺。榮衛不通。四肢疼痛。

芍藥 熟乾地黃 焙 當歸 切 焙 各二兩

防風 去義 秦艽 去苗土 羌活 去蘆頭 防己

芍藥

白朮各一兩

桂去麋皮

甘草炙各三分

右一十一味。麋搗篩。每服五錢匕。以水一盞半。煎至八分。去滓溫服。

日二服

筋痺

論

華陀中藏經筋痺者。由怒叫無時。行便奔急。淫邪傷肝。肝失其氣。因而寒熱所客。久而不去。流入筋會。則使人筋急而不能舒緩也。故名曰筋痺。宜活血以補肝。溫氣以養腎。然後服餌湯丸。治得其合。自瘳已。不然則害人矣。聖濟總錄論曰。內經曰。風寒濕三氣雜至。合而為痺。又曰。以春遇此者。為筋痺。其狀拘急。屈而不伸。是也。筋痺不已。復感於邪。內舍於肝。是為肝痺。其狀夜卧則驚。飲多數。小便上為引。如懷。蓋淫氣之竭。痺聚在肝。治法以筋痺為先。筋痺既平。則邪弗入於肝矣。

脉

靈樞邪氣臟腑病形篇。肝脉微瀯。為痙攣筋痺。華陀中藏經筋痺者。其脉左關中弦急而數。浮沉而有力是也。

方

聖濟總錄天麻丸治筋風四肢攣痺

天麻二兩

苦參三兩

細辛去苗葉二兩

菖蒲二兩

牛膝去苗酒浸焙二兩

赤箭二兩

附子炮裂去皮臍一兩

地榆二兩

人參二兩

芎藭一兩

桂去蘆皮一兩

木香一兩

陳橘皮湯浸去白焙乾一兩半當歸切焙

赤芍藥

酸棗仁微炒

威靈仙去土

藁本去苗土

防風去叉剉

獨活去蘆頭各二兩

右二十味搗羅為細末。煉蜜和杵為丸。如梧桐子大。每服溫酒下二十丸。日二服。加至三十丸。

牛膝湯治筋痺。以筋虛為風所傷。故筋攣縮。腰背不伸。強直時痛。

牛膝去苗酒浸剉焙

防風去叉

丹參

前胡去蘆頭各二兩

石斛去根二兩半

杜仲去蘆皮塗酥炙剉

秦艽去苗土

續斷各一兩半

陳橘皮湯去白焙一兩

大麻仁研一合

右一十味。除大麻仁外。蘆搗篩。每服五錢匕。水一盞半。煎五七沸。別下。

麻仁末一錢匕。煎至一盞。去滓。空腹服。日二。  
獨活散。治筋痺。肢體拘急。不得伸展。

獨活 去蘆頭三兩

附子 炮裂去皮臍

薏苡仁

蒼耳

防風 去叉

蔓荊實

芎藭

細辛 去苗葉

秦艽 去苗土

菖蒲 各二兩

右一十味。搗羅為細散。每服一錢匕。空腹以溫酒調下。日二。不計時候。

補肝湯。治肝痺。兩脅下滿。筋急。不得太息。疝瘕。四逆。搶心。腹痛。目不明。

白茯苓 去黑皮一兩二錢

烏頭 四枚 炮裂去皮臍

蕤仁 研

栢子仁 研

防風 去叉

細辛 去苗葉各二兩

山茱萸 去核

桂 去蘆皮各三分

甘草 炙剉半兩

右九味。剉如麻豆。入研藥拌勻。每服五錢匕。水一盞半。入大棗二枚。擘開。同煎數沸。去滓。取一盞服。不計時。

五加皮酒。治筋痺。多悲思。顏色蒼白。四肢不營。諸筋拘攣。伸動縮急。腹中轉痛。

五加皮

枳刺 炒

豬椒根皮 各八兩

丹砂 八兩

桂 去蘆皮三兩

當歸 切焙三兩 甘草 炙

天雄 炮裂去皮臍

白鮮皮

秦椒 去閉口及目

炒出汗

木通 剉各四兩 芎藭

乾薑 炮各五兩

薏苡仁 半升 大麻仁 三升

右一十五味。剉如麻豆大。以夾絹囊盛貯。清酒三斗漬之。春夏三四

宿。秋冬六七宿。初服三二合。稍加之。以知為度。

楊仁齋直指方脚筋冷縮頑痺方

大川椒 去目二分炒出汗

華撥

辣桂

川白薑 華陰細辛各一分

右為末。酒麪糊丸。桐子大。每七十丸。食前溫酒下。

危亦林得効方羚羊角湯治筋痺肢節束痛

羚羊角 薄桂

附子

獨活 各一兩三錢半

白芍藥 防風 芎藭 各一兩

右剉散。每服三大錢。水一盞半。生薑三片。同煎至八分。取清汁服。日

可一二服

骨痺

論

素問四時刺逆從論。太陽有餘。病骨痺。靈樞刺節真邪。虛邪內搏於骨。則爲骨痺。華佗中藏經。骨痺者。乃嗜慾不節。傷於腎也。氣內消。則不能關禁。不能關禁。則中上俱亂。中上亂。則三焦之氣痞而不通。三焦痞。則飲食不糟粕。飲食不糟粕。則精氣日衰。精氣日衰。則邪氣妄入。則上衝心舌。上衝心舌。則爲不語。中犯脾胃。則爲不充。下流腰膝。則爲不遂。傍攻四肢。則爲不仁。其證不一。要在詳明治療之法。列在後章。聖濟總錄論曰。內經謂人有身寒。湯火不能熱。厚衣不能溫。然不凍慄。是人者。素腎氣勝。以水爲事。太陽氣衰。腎脂枯不長。一水不能勝兩火。腎者水也。而生於骨。腎不榮。則髓不能滿。故寒甚至骨也。所以不能凍慄者。肝一陽也。心二陽也。腎孤藏也。一水不能勝二火。故不能凍慄。病名曰骨痺。是人當攣節也。夫骨者。腎之餘。髓者。精之所充也。腎水流行。則髓滿而骨強。迨夫天癸虧。而凝澀。則腎脂不長。腎脂不長。則髓涸而氣不行。骨乃痺。而其證內寒也。雖寒不爲凍慄。則以肝心二氣爲陽火。一水不能勝之。特爲骨寒而已。外證當攣節。則以髓少而筋燥。故攣縮而急也。

脉

華佗中藏經。骨痺者。寒在中。則脉遲。熱在中。則脉數。風在中。則脉浮。濕在

中則脉濡。虛在中則脉滑。

方

聖濟總錄。蓯蓉丸。補骨髓。治寒濕肉濡。

肉蓯蓉酒浸切焙一兩

獺肝一具塗酥炙切

柴胡去苗

秦艽去苗土各三分

巴戟天去心

黃耆剉各一兩人參半兩

白茯苓去黑皮三分

熟乾地黄切焙半兩

澤瀉

附子炮裂去皮臍

各三分

遠志去心一兩山芋

蒺藜子炒去角各

半兩

石斛去根三分五味子

桃仁湯浸去皮尖

雙仁炒別研

厚朴去蘆皮薑汁炙

桂去蘆皮

丁香

木香各半兩

當歸切焙三分芍藥

陳橘皮湯浸去白焙

赤石脂

檳榔

白朮

乾薑炮

郁李仁湯浸去皮尖炒研

甘草炙剉

牡丹皮

蜀椒去目并閉口者炒出汗

山茱萸

芎藭

牡蠣炒各半兩

右三十五味。搗研為末。再和勻。煉蜜和杵數百下。丸如梧桐子大。每



服。温酒下三十丸。不拘時。日三服。

石斛丸。治腎虛骨痺。肌體羸瘦。腰脚痠疼。飲食無味。小便滑數。方

石斛去根

牛膝酒浸切焙續斷各三分

菟絲子酒浸別搗

石龍芮炒

桂去麤皮各一兩

肉蓯蓉酒浸切焙

三分

鹿茸去毛酥炙一兩

杜仲去麤皮炙剉

白茯苓去黑皮

熟乾地黄切焙各三分

附子炮裂去皮臍

一兩

巴戟天去心半兩

防風去叉三分

桑螵蛸炙

芎藭各半兩

山茱萸三分

覆盆子半兩

補骨脂微炒

草澄茄各三分

澤瀉一兩

沉香

懷香子微炒各三分

薏苡仁炒一兩

右二十五味。搗羅為末。煉蜜和杵數百下。丸如梧桐子大。每服空心

以温酒下三十丸。日二服。

熟乾地黄丸。治腎虛骨痺。面色萎黑。足冷耳鳴。四肢羸瘦。脚膝緩弱。小便

滑數。補腎

熟乾地黄切焙

磁石煨醋淬各二兩

山茱萸三分

桂去麤皮

附子炮裂去皮臍各一兩

山芋三分 牛膝酒浸切焙一兩

白茯苓去黑皮澤瀉 黃耆剉各三分 鹿茸去毛酥炙二兩

五味子三分 石斛去根剉一兩 覆盆子

遠志去心各三兩 補骨脂微炒一兩

草薢剉 巴戟天去心各三分 杜仲去蘆皮炙剉

一兩 菟絲子二兩酒浸別搗 白龍骨一兩

右二十三味搗羅為末煉蜜和杵數百下丸如梧桐子大每服空心

溫酒下三十九日三服

附子獨活湯治腎藏中風寒濕成骨痺腰脊疼痛不得俛仰兩脚冷痺緩弱不遂頭昏耳聾語音渾濁四肢沉重

附子炮裂去皮臍 獨活去蘆頭各一兩

防風去叉 芎藭 丹參 草薢

菖蒲各半兩 天麻 桂去蘆皮各一兩

黃耆半兩 當歸切焙一兩 細辛去苗葉

山茱萸 白朮 甘菊花 牛膝酒浸切焙

枳殼去瓢麩炒 甘草炙剉各半兩

右一十八味。剉如麻豆。每服三錢匕。以水一盞。生薑三片。煎至七分。去滓。不計時候溫服。

鹿茸天麻丸。治腎藏氣虛。骨痺緩弱。腰脊痠疼。臍腹虛冷。顏色不澤。志意昏憤方。

鹿茸去毛酥炙二兩

天麻一兩半

附子炮裂去皮臍

巴戟天去心

菖蒲各一兩

石斛去根剉一兩半

乾蠍去土炒

草薺剉

桂去蘆皮

牛膝酒浸切焙

天雄炮裂去皮臍

獨活去蘆頭

丹參

當歸切焙

杜仲去蘆皮炙剉各一兩

肉蓯蓉酒浸切焙

一兩半

磁石煨醋淬細研水飛過一兩

右一十七味。搗羅為末。煉蜜和勻。搗三五百下。丸如梧桐子大。每服二十丸。加至三十丸。空心及晚食前以溫酒下。

腎瀝湯。治腎臟久虛。骨疼腰痛。足冷少食無力。

磁石煨醋淬二兩

肉蓯蓉酒浸切焙

黃耆

人參

白茯苓去黑皮

芎藭

桂去蘆皮

菖蒲

當歸切焙

熟乾地黄切焙

石斛去根

覆盆子

乾薑炮

附子炮裂去皮臍

五味子各一兩

右一十五味。剉如麻豆。每服三錢。用羊腎一隻。去脂膜。先用水二盞。煮腎取汁一盞。去腎。入藥末。煎至七分。去滓。溫服。空心。日午夜卧。共三服。

### 肉痺

論

華陀中藏經肉痺者。飲食不節。膏粱肥美之所為也。痺者肉之本。氣以食則肉不榮。肌膚不澤。則紋理踈。凡風寒暑濕之邪。易為入。故久不治。則為肉痺也。肉痺之狀。其先能食。而不能光悅。四肢而不持者是也。宜節飲食。以調其臟。常起居以安其導。然後依經補瀉。以求於愈也。

脉

華陀中藏經肉痺者。其右關脉。按舉無力。而往來澀也。

### 腸痺

論

聖濟總錄論曰。內經曰。腸痺者。數飲而出不得。中氣喘爭。時發飧泄。夫大

腸者傳導之官。其所以傳導者。皆冲和之氣。今風寒濕三氣。乘虛客於腸間。則邪留而和氣閉矣。故其證數飲而出不得。中氣喘爭。時發飧泄。大小腸氣痺。水道不通。故雖多飲而不得洩便。并氣於大腸。使糟粕不化。故中氣喘爭。時發飧泄也。

方

聖濟總錄治腸痺寒濕內搏腹滿氣急大便飧泄吳茱萸散

吳茱萸湯浸焙乾炒半兩 肉豆蔻仁 乾薑炮

甘草炙各半兩 陳橘皮湯浸去白焙 厚朴去麁皮生薑

汁炙 高良薑各二兩 縮砂仁 陳麴炒

白朮各一兩

右一十味。搗羅為散。每服一錢匕。粥飲調下。食前服。

草豆蔻散。治腸虛寒濕內攻。腹痛飧泄。

草豆蔻 陳橘皮湯浸去白焙各一兩 桂去麁皮

木香 白朮 當歸切焙 白豆蔻仁

丁香 肉豆蔻仁 高良薑各半兩

右一十味。搗羅為散。每服一錢匕。煎生薑棗湯調下。食前服。

赤茯苓丸。治腸痺。腹滿喘爭。小便不利。大便飧泄。

赤茯苓 去黑皮 白朮

桂 去麋皮 各二兩

木香

訶梨勒 煨去核 陳橘皮 湯浸去白焙

厚朴 去麋皮生薑汁炙各一兩 草豆蔻 五錢

右八味。搗羅為末。煉蜜和丸。梧桐子大。每服三十丸。米飲下。空心食前。日二服。

訶梨勒湯。治腸痺飧泄。腹脹氣痛。飲食不化。

訶梨勒 煨用皮一兩半

附子 炮裂去皮臍一兩

當歸 切焙三分 桔梗 炒半兩

肉豆蔻 去殼三分

木香 半兩

吳茱萸 湯浸七遍焙乾微炒一分

陳橘皮 湯浸去白焙一兩

甘草 炙剉一分

右丸。味麋搗篩。每服三錢匕。水一中盞。入生薑半分。棗二枚。煎至七分。去滓。食前稍熱服。

木香丸。治腸痺。腹脹疔痛。時復飧泄。食不消。

木香 一兩

訶梨勒 煨用皮一兩半

白朮 一兩

桂 去麋皮一兩 附子 炮裂去皮臍二兩

蕪荑 微炒一兩

高良薑剉一兩肉豆蔻去殼半兩厚朴去蘆皮生薑  
汁炙過二兩 乾薑炮三分 甘草炙剉半兩

右一十一味搗羅為末以麴末煮作糊和搗三二百杵丸如梧子大  
食前生薑棗湯下二十九

訶梨勒丸治腸痺飧泄腹脇脹滿

訶梨勒煨用皮一兩 乾薑炮三分 當歸剉微炒一兩

黃連去須一兩白朮一兩 木香三分 厚朴去蘆皮生薑

汁炙一兩

右七味搗羅為末煉蜜和搗三二百下丸如梧桐子大每服三十丸  
粥飲下不拘時候

木香散治腸痺腹脹飧泄小便不利

木香三兩 訶梨勒煨用皮半兩 附子炮裂去皮臍

一兩 乾薑炮一兩 厚朴去蘆皮塗生薑汁炙二兩

枳實去瓢麩炒一兩 赤茯苓去黑皮一兩

甘草炙剉半兩 當歸剉微炒一兩

右九味搗羅為細末每服二錢匕粥飲調下食前

周痺

論

靈樞周痺篇。黃帝問于岐伯曰。周痺之在身也。上下移徙隨脉。其上下左右相應。間不容空。願聞此痛在血脉之中邪。將在分肉之間乎。何以致是。其痛之移也。問不及下針。其傷痛之時。不及定治。而痛已止矣。何道使然。願聞其故。岐伯答曰。此衆痺也。非周痺也。黃帝曰。願聞衆痺。岐伯對曰。此各在其處。更發更止。更居更起。以右應左。以左應右。非能周也。更發更休也。黃帝曰。善。刺之柰何。岐伯對曰。刺此者。痛雖已止。必刺其處。勿令復起。帝曰。善。願聞周痺何如。岐伯對曰。周痺者。在于血脉之中。隨脉以上。隨脉以下。不能左右。各當其所。黃帝曰。刺之柰何。岐伯對曰。痛從上下者。先刺其下。以過一作過下同。之後。刺其上。以脫之。痛從下上者。先刺其上。以過之後。刺其下。以脫之。黃帝曰。善。此痛安生。何因而有名。岐伯對曰。風寒濕氣客于外。分肉之間。迫切而為沫。沫得寒則聚。聚則排分肉而分裂也。分裂則痛。痛則神歸之。神歸之則熱。熱則痛解。痛解則厥。厥則他痺發。發則如是。帝曰。善。余已得其意矣。此內不在藏。而外未發于皮。獨居分肉之間。真氣不能周。故命曰周痺。故刺痺者。必先切循其下之六經。視其虛實。及



大絡之血。結而不通。及虛而脉陷空者。而調之。熨而通之。其瘕堅轉。引而行之。黃帝曰。善余已得其意矣。亦得其事也。九者經巽之理。經脉陰陽之病也。聖濟總錄論曰。夫風寒濕之為痺。本痺而不通。今乃能周身上下者。以其邪中於血脉之間。與脉流通。隨其上下升降無礙也。故痛從上下者。先刺其下以遏之。後刺其上以脫之。痛從下上者。先刺其上以遏之。後刺其下以脫之。刺法附于鍼灸卷外。宜徐以藥治之。

方

聖濟總錄巴戟天散。治周痺。肢體痿弱。不能行履方

巴戟天 去心半兩

芎藭 一分

附子 炮裂去皮臍

三分

白歛 一分

黃耆 炙剉

桂 去蘆皮

細辛 去苗葉炒各半兩

桔梗 炒一兩

人參 半兩

芍藥 一分

牡荊實

天雄 炮裂去皮臍各半兩

肉蓯蓉 酒浸切焙一分

草薺 炒半兩

赤茯苓 去黑皮

牛膝 去苗酒浸切焙各一兩

山芋

菊花 未開者微炒

秦艽 去苗土各半兩

烏喙 炮裂去皮臍

遠志 去心各一兩

山茱萸

黃芩 去黑心

白朮

微炒

石斛

去根剉

白礬

研如粉各半兩

五味子

三分

龍膽

去苗土

蜀椒

去目并閉口炒出汗各一分

厚朴

去麤皮生薑汁炙剉半兩

菖蒲

九節者去須節先用米泔浸

後切焙用一兩

右三十一味除白礬別研外將三十味搗羅為末次入白礬末拌勻重羅每服半錢匕漸加至一錢匕溫酒調下日二夜一未覺身唇口痺熱即漸加至一錢半匕如覺大痺心煩以少許豉湯解之

遠志散治周痺不仁

遠志

去心

黃耆

炙剉各半兩

芍藥

一兩

五味子

黃芩

去黑心各一分

赤茯苓

去黑皮

牡荊實

輕炒三分

秦艽

去苗土一兩

烏頭

炮裂去皮臍

天雄

炮裂去皮臍

細辛

去苗葉微炒

山茱萸

菊花

未開者炒各

半兩

防風

去叉三分

狗脊

去毛

桂

去麤皮

芎藭

蕪荑

微炒半兩

菖蒲

用米泔浸去節皮焙

姜

去土及須焙各三分

白歛

生用

山芋

附子炮裂去皮臍

龍膽去苗土

厚朴去蘆皮生薑

汁炙剉各半兩蜀椒去目并閉口炒出汗

巴戟天去心各一分

右二十七味搗羅為散每服一錢匕空心溫酒調下漸加至二錢匕日二夜一

黃芩湯治周痺身體不仁

黃芩去黑心 甘草炙剉

防風去叉各半兩

秦艽去苗土 葛根剉

杏仁去皮尖雙仁麩炒各一分

桂去蘆皮 當歸切焙

赤茯苓去黑皮各半兩

右九味麁搗篩每服六錢匕以水酒各一盞棗二枚擘破生薑一棗大切同煎至一盞去滓溫服日二夜一

白朮散治積年周痺頭髮禿落癢胗生瘡氣脉不通搔之不覺痛痒

白朮微炒三兩 附子炮裂去皮臍二兩

石斛去根剉半兩

蜀椒去目并閉口炒出汗

乾薑炮

天雄炮裂去皮臍

細辛去苗葉輕炒各三分

羊躑躅微炒半兩

烏頭炮裂去皮臍一兩

石南用葉灑醋微炒三分

桂去蘆皮一兩 防風去叉二兩半

右一十二味。搗羅為散。每服半錢至一錢。漸加至一錢半。溫豆淋酒三合調下。空心臨卧各一服。每服藥後宜以少白羊脯嚼汁下藥。續更用三合。溫豆淋酒衝滌令接藥力。常令有酒氣。其藥以常皮袋貯勿泄其氣。初服身與骭膝有汗。宜避外風。

金牙散。治周痺脚脛細瘦痿弱。不能行立。

金牙別研細一兩

防風去叉

側子炮裂去皮臍

當歸切焙

石膏別研細

桂去麋皮各二兩

芎藭一兩半

白朮微炒三兩澤瀉

細辛去苗葉輕炒

黃芩去黑心

赤茯苓去黑皮各一兩半

石南葉灑酒炒

人參二兩

右一十四味。除金牙石膏別研外。將十二味搗羅為散。方入金牙石膏末拌勻。重羅。每服一盞半。漸加至二錢。空心溫酒調下。日二夜一。未覺。更增藥至二錢半。

附子散。治周痺。肢體脚膝無力。

附子炮裂去皮臍

狗脊去毛各一分

山芋

熟乾地黄焙

王孫去土生用桂去麋皮

天雄炮裂去皮臍  
乾漆酒炒令煙出

山茱萸  
防風去義

秦艽去苗土  
甘草炙各半兩

白歛 一兩

右一十三味搗羅為散每服一錢七空心溫酒調下日二夜一漸加至一錢半七服之一月愈

六生散治周痺身體拘痛腰脚痺癢方

生菖蒲九節者去毛節切焙  
生乾地黄焙  
生枸杞根

生商陸根淨洗切焙各一斤  
生烏頭剉去皮臍四兩

生薑去皮切焙二斤

右六味先焙了各秤及本方分兩復以醇酒一斗五升淹浸一宿漉出暴乾復內酒中令酒盡再暴乾搗羅為散每服半錢七以清酒一盞調下漸加至一錢七空心臨卧各一

續命湯治八風十二痺

羌活去蘆頭三兩

茯神去木

薏苡仁炒各一兩

右三味廉搗篩每服六錢七水二盞煎取一盞別人竹瀝一匙許更煎數沸去滓溫服日二夜一

白石英浸酒方。治風濕周痺。肢節中痛。不可持物。行動無力。耳聾。及腎藏虛損。益精髓。保神守中。

白石英 碎如大麻粒

磁石 火煨令赤醋淬如此五遍搗

各五兩

右二味。麋搗篩。生絹囊貯。以酒一升浸經五六日。每服不計時。隨性溫服。服將盡。可更添酒浸之。

醍醐方。治寒濕周痺。

醍醐 一兩

右一味。每日空心以溫酒五合。和一匙許服之。

大豆蘗。治周痺。除五藏留滯。胃中結聚。益氣止毒。潤皮毛。補腎藏方。

大豆蘗 一升炒令香熟

右一味。搗為末。每空腹溫酒調下半匙。漸加至一匙。

野駝脂。治周痺方。

野駝脂 鍊了濾過一斤

右一味。別入好酥四兩。同鍊攪勻。每服半匙。以熱酒半盞。和化服之。漸加至一匙。空心食前。各一。

氣痺

論

素問逆調論。帝曰。人身非衣寒也。中非有寒氣也。寒從中生者何。岐伯曰。是入多痺氣也。陽氣少。陰氣多。故身寒。如從水中出。華佗中藏經氣痺者。愁思喜怒過。則氣結於上。久而不消。則傷肺。傷肺則生氣漸衰。而邪氣愈勝。留於上。則膏腹痺而不能食。注於下。則腰脚重而不能行。攻於左。則左不遂。衝於右。則右不仁。貫於舌。則不能言。遺於腸。則不能溺。壅而不散。則痛流而不聚。則麻。真經既損。難以醫治。邪氣不勝。易為痊愈。宜節思憂。以養氣。戒怒。以全真。最為良矣。聖濟總錄。夫陽虛生外寒。陰盛生內寒。人身陰陽偏勝。則自生寒熱。不必外傷於邪氣也。痺氣內寒者。以氣痺而血不能運。陽虛而陰自勝也。血凝泣而脉不通。故其證身寒。如從水中出也。

脉

華佗中藏經氣痺者。其脉右手寸口沉。而遲澁者是也。

方

聖濟總錄温補鹿茸丸。治陽氣虛。陰氣盛。痺氣內寒。如從水中出。

鹿茸去毛酥炙四兩

人參

天雄炮裂去皮臍

五加皮剉

五味子

牛膝

酒浸切焙

防風

去叉

遠志去心

石斛去根

山芋

狗脊去毛各一兩

肉蓯蓉

去斂皮酒浸切焙

熟乾地黄

焙各三兩

白茯苓

去黑皮菟絲子酒浸別搗各一兩一分覆盆子

石龍芮

各二兩草薺

石南

蛇牀子

炒去皮

白朮各三分

巴戟天去心酒浸焙

天門冬去心焙

杜仲剉炒各一兩半

乾薑炮裂

桂去蘆皮

吳茱萸炒

附子炮裂去皮臍

細辛去苗葉

蜀椒

去目及閉口者炒出汗各三分

右三十味除菟絲子別搗外搗羅為末再拌勻煉蜜丸如梧桐子大

每服溫酒下二十九稍加至三十九空心食前日三

補益巴戟天丸治陽衰陰盛痺氣身寒

巴戟天

去心酒浸焙

肉蓯蓉

去斂皮酒浸切焙

白龍骨

五味子

鹿茸

去毛酥炙白茯苓去黑皮

天雄

炮裂去皮臍

續斷

山芋

白石英各二兩半

覆盆子

熟乾地黄

焙二兩



菟絲子酒浸別搗各三兩  
遠志去心  
乾薑炮裂各一兩半  
蛇牀子炒去皮一兩

右一十六味除菟絲子別搗外同搗羅為末入菟絲子拌勻再羅鍊蜜丸如梧桐子大每服空心溫酒下二十九加至三十九日再

補益黃耆丸治陰盛陽虛痺氣身寒如從水中出

黃耆剉  
鹿茸去毛酥炙  
白茯苓去黑皮  
烏頭炮裂去皮臍

乾薑炮裂各三分  
桂去蘆皮  
芎藭

當歸切焙  
熟乾地黃焙各一兩  
白朮

菟絲子酒浸一宿別搗  
五味子  
栢子仁

枸杞根皮剉各一兩半  
大棗去核二十枚焙

右一十五味除菟絲子別搗外同搗羅再拌勻煉蜜丸如梧桐子大每服空心溫酒下十五丸日三

菘蓉丸治陽虛陰盛痺氣身寒如從水中出

肉菘蓉去皺皮酒浸切焙  
天雄炮裂去皮臍

石斛剉  
當歸切焙  
桂去蘆皮各一兩

蜀椒去目及閉口炒出汗  
牛膝剉酒浸焙  
陳橘皮湯浸去白

乾薑炮裂各一兩半

右九味搗羅為末。煉蜜丸。如梧桐子大。每服三十九。空心食前。溫酒

下。日三服

天雄丸治陽虛陰盛。痺氣身寒。如從水中出

天雄炮裂去皮臍

烏頭炮裂去皮臍

石龍芮

王不留行

王孫

蜀椒去目及閉口

者炒出汗各一兩

肉蓯蓉去鉞皮酒浸切焙

當歸切焙

天麻剉各二兩

蛇牀子炒半兩

右一十味搗羅為末。煉蜜丸。如梧桐子大。每服空心溫酒下三十九。日再

附子丸治痺氣中寒。陽虛陰盛。身寒如水中出

附子炮裂去皮臍

烏頭炮裂去皮臍

桂去蘆皮

蜀椒去目及閉口者炒出汗

菖蒲去須剉

甘草炙各一兩 天麻

補骨脂炒

白朮各二兩

右九味搗羅為末。煉蜜丸。如梧桐子大。每服空心溫酒下三十九。日再

素當時大方萬勝散治一切風。四肢皮膚疼痛。或憂愁氣痺。肌體不遂。及

榮衛不和。皮膚急痛

虎脛骨酒煮 梅桐皮 烏藥 附子各八錢  
松節三兩碎剉以酒半盞煎赤色

右爲粗末每服二錢水一盞煎至七分去滓溫服  
熱痺

論

素問四時刺逆從論厥陰有餘病陰痺不足病生熱痺聖濟總錄論曰內  
經於痺論有云其熱者陽氣多陰氣少陽遭陰故爲痺熱蓋腑臟壅熱復  
遇風寒濕之雜至客搏經絡留而不行陽遭其陰故痛痺燿熱而悶也

方

聖濟總錄石南散治熱痺肌肉熱極體上如鼠走唇口反壞皮膚色變兼  
治諸風

石南葉灑醋微炒

山芋各一兩 黃耆剉三分

天雄炮裂去皮臍一兩

山茱萸一兩半 桃花生用

菊花未開者炒各三分

真珠別研一分 石膏別研

升麻各一兩 甘草炙剉三分

萎蕤剉一兩 丹砂一分別研仍

與真珠石膏末一處同研極細

右一十三味。別研外。將十味搗羅為末。次入所研者藥拌勻。每服一錢匕。空心溫酒調下。日二。夜一。漸加至二錢匕。

升麻湯。治熱痺。

升麻

射干

甘草炙剉

芍藥

人參 各二兩

赤小豆 炒三合

生薑 薄切焙

麥門冬 去心焙

姜 各三兩

右九味。麋搗篩。每服四錢匕。以水二盞。生地黄汁半合。青竹葉十五片。同煎至一盞半。去滓溫服。不計時候。

防風丸。治熱痺。

防風 去叉

羌活 去蘆頭

茯神 去木

牛膝 酒浸切焙

桂 去麋皮

人參

枳殼 去瓢麩炒

五加皮 剉

芍藥

丹參

薏苡仁

玄參

麥門冬 去心焙

生乾地黃 焙

以上各一兩

磁石 煨醋淬四兩

檳榔 剉二兩

松子仁

大黃 剉炒

木香 各半兩

右一十九味。搗羅為末。煉蜜和丸。如梧桐子大。每服溫酒下三十九。加至四十九。空心食前。

升麻湯治熱痺宣明論云。治熱痺。肌肉熱。極體上如鼠走。唇口反縱。皮色變。兼諸風皆治。

升麻 三兩

茯神 去木

人參

防風 去叉

犀角 鎊

羚羊角 鎊

羌活 去蘆頭以上各二兩

桂 去蘆皮半兩

右八味。麋搗篩。每服四錢匕。水一盞半。生薑一塊拍碎。竹瀝少許。同煎取一盞。去滓。溫服。不拘時候。

生地黄湯治熱痺方

生地黄 研取汁 竹瀝

荆瀝 各一升 羌活 去蘆頭

防風 去叉 各三兩

附子 一枚重者炮 去皮臍 八破之

右六味。除前三味外。餘三味剉如麻豆。每服三錢匕。水一盞半。地黄汁。竹瀝。荆瀝。各少許。同煎數沸。去滓。取一盞。溫服。不計時候。

永樂大典卷之一萬三千八百七十八



--	--	--	--	--	--	--	--	--	--

Er 6014.2  
62 ff  
20/10/23  
795

Handwritten text on the right margin, partially obscured by the binding edge.

重錄總校官侍郎臣秦鳴雷

學士臣王大任

分校官編修臣孫鋌

書寫儒士臣王一鳳

圈點監生臣林氏表

臣董于翰

Purchased

--	--	--	--	--

0014  
2 ft  
10/10/23  
795



纂修官周 發出第一萬三千八百七十六

濬齋文集一條 七頁

忘筌書一條 十一頁

共書二種計二條

乾隆三十八年十一月十八日發寫 謄錄

乾隆

陳年揮三因方〇  
嚴用和清金方〇  
王殿海世金〇

痺 四

